

四庫全書

史部

欽定四庫全書

史部

資治通鑑卷四

詳校官編修_臣范來宗

洗馬_臣王坦修覆勘

總校官知縣_臣楊懋珩

校對官中書_臣孫球

謄錄監生_臣郭履元

欽定四庫全書

資治通鑑卷三

宋司馬光撰

胡三省音註

周紀三

起重光赤奮若盡昭陽大淵獻凡二十有三年起辛丑盡癸亥也

慎靚王

諱定顯王之字也此複詞也諱法敏以敬曰慎柔德安衆曰靚靚疾正翻

元年衛更貶號曰君

顯王二十三年衛已貶號曰侯介於秦魏之間國日以削弱因更貶

其號曰君更居孟翻貶悲檢翻

二年秦伐韓取鄢

春秋晉敗楚師于鄢陵即此鄢也班志作僞陵屬潁川郡鄢音謁晚翻又

於建翻師古音偃史記正義曰許州
鄆陵縣西北十五里有鄆陵故城

魏惠王薨子襄

王立

索隱曰系本曰襄王名嗣今按系本即世本司馬
貞避唐諱改世為系考異曰史記魏世家云惠

王三十六年卒子襄王立襄王十六年卒子哀王立哀
王二十三年卒子昭王立六國表惠王元卒亥終丙戌

襄王元丁亥終壬寅哀王元癸卯終乙丑按杜預春秋
後序云太康初汧縣有發舊冢者大得古書其紀年篇

起自夏殷周皆三代王事無諸國別也惟特記晉國起
自殤叔次文侯昭侯以至曲沃莊伯皆用夏正編年相

次晉國滅獨記魏事下至魏哀王之二十年蓋魏國之
史記也哀王於史記襄王之子惠王之孫也古書紀年

篇惠王三十六年改元從一年始至十六年而稱惠成
王卒即惠王也疑史記誤分惠成之世以為後王年也

哀王二十三年乃卒故特不稱謚謂之今王裴駟魏世
家註引和嶠云紀年起自黃帝終於魏之今王今王者

魏惠成王子按太史公書惠成王但言惠王惠王子曰
襄王襄王子曰哀王惠王三十六年卒襄王立十六年
卒并惠襄為五十二年今按古文惠成王立三十六年
改元稱一年改元後十七年卒太史公書為誤分惠成
之世以為二王之年數也世本惠王生襄王而無哀王
然則今王者魏襄王也故既魏史所書魏事必得其真
之今從孟子入見而出語人曰望之不似人君就之而不

見所畏焉

入見賢過翻語牛倨翻

卒然問曰天下惡乎定

卒七沒翻惡音

烏何也

吾對曰定于一孰能一之

此一語魏襄王以問孟子

對曰不嗜

殺人者能一之孰能與之

此語亦襄王問

對曰天下莫不與也

王知夫苗乎

扶夫音

七八月之間旱則苗槁矣

孟子此言用周正也

周七八月夏五六月也稿音天油然作雲沛然下雨則

考乾枯也夏戶雅翻乾音干然興起貌沛普蓋翻淳音勃其如是孰

能禦之

三年楚趙魏韓燕同伐秦攻函谷關燕因肩翻註已見

在弘農地理志注云謂道形如函秦人出兵逆之五國

之師皆敗走 宋初稱王

四年秦敗韓師于修魚斬首八萬級虜其將鯁申差于

濁澤敗補邁翻索隱曰修魚地名鯁中差二將名索山

客翻將即亮翻鯁音瘦又踈鳩翻濁澤年表作觀

澤括地志觀澤在魏諸侯振恐 齊大夫與蘇秦爭寵

使人刺秦殺之刺七張儀說魏襄王曰梁地方不至千

里卒不過三十萬地四平無名山大川之限卒戍楚韓

齊趙之境戍春遇翻字從人從戈人荷戈所以戍守亭

障者不過十萬說文亭民所安定也道路所舍也障梁

之地勢固戰場也夫諸侯之約從盟於洹水之上結為

兄弟以相堅也事見上卷顯王二十六年夫今親兄弟

同父母尚有爭錢財相殺傷而欲恃反覆蘇秦之餘謀

其不可成亦明矣大王不事秦秦下兵攻河外據卷衍

酸棗

後漢志卷縣屬河南郡酸棗縣屬陳留郡水經注河水逕卷縣北又東至酸棗延津二邑皆河津之

要也卷逵負翻衍以善翻

却衛取陽晉則趙不南趙不南則梁不北

梁不北則從道絕從道絕則大王之國欲毋危不可得

也

從道謂約從之路也從子容翻

故願大王審定計議且賜骸骨

人臣委身

以事君身非我之有矣故於其乞退也謂之乞骸骨骸戶皆翻

魏王乃倍從約

倍蒲妹翻而

因儀以請成于秦張儀歸復相秦

儀罷秦相相魏見上卷顯王四十七年相

息亮翻

魯景公薨子平公旅立

謚法由義而濟曰景布義行剛曰景

五年巴蜀相攻擊

巴春秋巴子之國蜀黠鼓魚鳧之後
華陽國志曰昔蜀王封其弟于漢中

號曰苴侯因命其巴曰葭萌苴侯與巴王為好後巴與

蜀為讐蜀王怒伐苴侯苴侯奔巴巴求救于秦秦伐蜀

蜀王敗死秦滅蜀因遂滅巴苴置巴蜀二郡史記正義

曰巴子城在合州石鏡縣南五里故墊江縣也宋白曰

巴子後理閬中揚雄蜀本紀曰蜀王本治廣都樊鄉徙

居成都華戶化翻苴子余翻葭音家萌謨耕翻墊音疊

浪音俱告急於秦秦惠王欲伐蜀以為道險陜難至

與陜

狹同漢書趙充國傳而韓又來侵猶豫未能決

說文猶攬屬居

山中聞人聲豫登木無人乃下世謂不決曰猶豫一說

隴西謂犬子為獬犬導人行忽先忽後故曰猶豫又一

說猶豫犬也犬為人行好先行却住以俟其人百步之

間如是者數四先者豫也遂曰猶豫猶夷周翻又余救

翻攬厥縛翻為于
偽翻好呼到翻

司馬錯請伐蜀

史記重黎之後至周宣王時為程伯休父

為司馬氏錯七各翻又七
故翻重直龍翻父音甫

張儀曰不如伐韓王曰請聞

其說儀曰親魏善楚下兵三川攻新城宜陽

伊水洛水河水為三

川秦後置三川郡漢改為河南郡班志新城縣屬河南
郡括地志洛州伊闕縣本漢新城縣在州南七十里隋

文帝改新城為伊闕取伊闕山為名以臨二周之郊

周分為東西故曰二周

據九鼎

昔夏禹貢金九牧鑄鼎象物桀有昏德鼎遷于商商紂
暴虐鼎遷于周成王定鼎于郊廓寶之以為三代共器

夏戶雅翻郊
音夾廓音辱

按圖籍

圖籍謂天下之圖籍周官職方氏所掌是也

挾天子以

令于天下天下莫敢不聽此王業也臣聞爭名者于朝

爭利者于市今三川周室天下之朝市也

朝直遙翻周禮大宗伯注

云朝猶朝也欲其來之早也人君所旦親政貴早聲轉為朝猶朝陟遙翻

而王不爭焉顧爭

於戎翟去王業遠矣

翟與秋同

司馬錯曰不然臣聞欲富國

者務廣其地欲彊兵者務富其民欲王者務博其德

王欲

于況翻又如字

三資者備而王隨之矣今王地小民貧故臣願

先從事於易

易弋鼓翻

夫蜀西僻之國而戎翟之長也

扶長音

知大翻

有桀紂之亂以秦攻之譬如使豺狼逐羣羊

豺狼齋翻

得其地足以廣國取其財足以富民繕兵不傷衆而彼

已服焉

被謂蜀也

拔一國而天下不以為暴利盡四海而天

下不以為貪是我一舉而名實附也而又有禁暴止亂

之名今攻韓劫天子惡名也而未必利也又有不義之

名而攻天下所不欲危矣臣請論其故周天下之宗室

也

周室為天下所宗故謂之宗室

齊韓之與國也

鄰國相親睦者謂之與國

周自知

失九鼎韓自知亡三川將二國并力合謀以因乎齊趙

而求解乎楚魏

并必正翻求解者先與之構怨隙而今求和解也

以鼎與楚以

地與魏王弗能止也此臣之所謂危也不如伐蜀完

完全

也言以兵伐蜀
十全必取也

王從錯計

錯七各翻
又七故翻

起兵伐蜀十月取

之

取言易也
易弋政翻

貶蜀王更號為侯

貶悲檢翻
更工衡翻

而使陳莊相

蜀

相息亮翻

蜀既屬秦秦以益彊富厚輕諸侯

蘇秦既死

三年蘇秦死
于齊

秦弟代厲亦以遊說顯於諸侯

說式芮翻

燕相子

之與蘇代婚欲得燕權蘇代使於齊而還

燕因肩翻相
息亮翻使疏

吏翻還
從宣翻

燕王噲問曰齊王其霸乎

噲苦翻

對曰不能王曰

何故對曰不信其臣于是燕王專任子之鹿毛壽謂燕

王曰

劉伯莊曰鹿毛壽人姓名又曰潘壽春秋後語作
唐毛壽徐廣曰一作磨毛如徐廣一作之說當作

唐唐音泰昔翻
清河有唐縣

人之謂堯賢者以其能讓天下也今王

以國讓子之是王與堯同名也燕王因屬國於子之屬之

欲翻付也子之大重或曰禹薦益而以啓人為吏孟子曰禹薦益

於天禹崩天下之人不之益而之啓曰吾君之子也索隱曰人猶臣也謂以啓臣為益吏索山容翻及老

而以啓為不足任天下任音壬傳之於益啓與交黨攻益

奪之天下謂禹名傳天下於益而實令啓自取之按或曰一

段事與師春紀伊尹放太甲潛出自桐殺伊尹事頗相類古書雜記尚多也今王言屬國于子

之而吏無非太子人者是名屬子之而實太子用事

也王因收印綬自三百石吏已上而效之子之

後漢書與服志

曰三王俗化雖文詐偽漸生始有印綬以檢姦萌周禮掌節有鬬節鄭氏注云今之印章也綬組綬古者佩玉

以綬貫之漢承秦制乘輿鬬綬諸王以下印以金銀銅為差綬以赤紫青黑黃為差印信也刻文合信也綬受

也轉相授受也三百石吏銅印黑綬或黃綬王制諸侯大國之卿食祿以田計之為三十二夫之入戰國之卿

食祿萬鍾其儲差不度甚矣漢制三公秩萬石至千斗食佐吏凡十六等三百石吏第十等其奉月四十斛綬

音受贗斯氏翻組祖五翻乘子之南面行王事而噲老

不聽政顧為臣

顧反也噲苦夫翻

國事皆決于子之

為後燕亂張本

六年王崩子赧王延立

赧王上

劉伯莊曰赧慙之甚也輕微危弱寄住東
西足為慙赧故號之曰赧諡法本無赧字

也赧音
奴版翻

元年秦人侵義渠得二十五城

義渠我國名按上卷顯
王四十二年秦縣義渠

以其君為臣是已得義渠矣今又侵得二十五城何也
蓋先此秦以義渠為縣君為臣雖臣屬于秦義渠之國
未滅也秦稍蠶食侵其地今得二十五城義渠之國所
餘無幾矣蓋秦兼并諸侯不盡其國不止也左傳有鐘
鼓曰伐無曰侵穀梁傳苞人民驅牛馬曰侵斬樹
木壞宮室曰伐無幾居豈翻傳直戀翻壞音怪

魏

人叛秦秦人伐魏取曲沃而歸其人又敗韓于岸門

續漢

志潁川郡潁陰縣有岸亭註引徐廣云岸亭即岸門括
地志岸門在今許州長社縣東北二十八里今名長益

亭敗補

韓太子倉入質于秦以和

質音致

燕子之為王

三年國內大亂將軍市被與太子平謀攻子之齊王令

人謂太子曰

令盧經翻

寡人聞太子將飭君臣之義

飭整也修也治

也治直之翻飭君臣之義言太子平將治子之儲王之罪也明父子之位言太子平當繼其父噲之位也明

父子之位寡人之國唯太子所以令之

令力政翻命令也號令也

太

子因要黨聚眾

要一遙翻要結也

使市被攻子之不克市被反

攻太子構難數月

難乃旦翻

死者數萬人百姓恫恐

恫它紅翻痛也

齊王令章子將五都之兵因北地之眾以伐燕

將即亮翻又音

如字領也邑有先王之廟曰都或曰都邑之大者北地齊之北境也蓋漢千乘清河渤海之地燕因肩翻下同

乘繩證翻燕士卒不戰城門不閉齊人取子之醢之醢呼改翻肉醬

也遂殺燕王噲噲苦大翻齊王問孟子曰或謂寡人勿取燕

或謂寡人取之以萬乘之國伐萬乘之國古者天子之地方千里出

兵車萬乘七國兼并以彊大於時皆為萬乘之國乘繩證翻五旬而舉之十日為旬五旬五十

也日人力不至于此不取必有天殃殃咎也既也取之何如孟

子對曰取之而燕民悅則取之古之人有行之者武王

是也取之而燕民不悅則勿取古之人有行之者文王

是也以萬乘之國伐萬乘之國簞食壺漿以迎王師

簞竹

器也圓曰簞方曰筥簞音丹食祥吏翻熟食也漿水也酢漿也筥相吏翻酢倉故翻豈有他哉避

水火也如水益深如火益熱亦運而已矣

運轉也言燕之民將轉而

之他國也諸侯將謀救燕齊王謂孟子曰諸侯多謀伐寡人

者何以待之對曰臣聞七十里為政於天下者湯是也

未聞以千里畏人者也書曰侯我后后來其蘇

書仲虺之誥之

辭侯戶禮翻待也后君也今燕虐其民王往而征之民以為將拯已

於水火之中也

拯上舉也援也救也助也音之凌翻

簞食壺漿以迎王師

若殺其父兄係累其子弟

趙岐曰係累縛結也系戶計翻累力追翻

毀其宗

廟遷其重器

重器國之寶鎮

如之何其可也天下固畏齊之彊

也今又倍地

齊并燕則地倍其舊燕因有翻

而不行仁政是動天下之

兵也王速出令反其旄倪

令力政翻趙岐曰旄老旄倪弱小陸德明曰倪謂鬻倪小

兒也記曲禮曰八十九十曰耄註云耄憊忘也旄讀曰耄倪五兮翻鬻與繫同音烟兮翻

止其重器

謀於燕衆置君而後去之則猶可及止也齊王不聽已

而燕人叛

是時燕人雖未立太子平固已相帥叛齊矣

王曰吾甚慚於孟子

陳賈曰王無患焉乃見孟子曰周公何人也曰古聖人

也陳賈曰周公使管叔監商

古殷商通稱商者以始封為國號殷者以都亳為國號按孟子

陳賈只云監殷今通鑑云監商避宋廟諱也監古銜翻

管叔以商畔也周公知其將畔

而使之與

畔與叛同與讀曰歟下同

曰不知也陳賈曰然則聖人亦

有過與曰周公弟也管叔兄也周公之過不亦宜乎且

古之君子過則改之今之君子過則順之古之君子其

過也如日月之食民皆見之及其更也

更工衡翻更改

民皆仰

之今之君子豈徒順之又從為之辭是歲齊宣王薨

子濬王地立

濬讀曰閔

二年秦右更疾伐趙

右更秦爵第十四師古曰左右中更皆主領更卒而部其役使也更

工衡

拔藺虜其將莊豹

莊姓有出于宋者左傳所謂戴武莊之族是也有出于楚者楚

莊王之後莊躒是也齊之莊暴楚之莊辛蒙之莊周與此莊豹其時適相先後莫能審其所自出

秦

王欲伐齊患齊楚之從親

從子容翻

乃使張儀至楚說楚王

曰大王誠能聽臣閉關絕約於齊

說式芮翻閉關者古之列國各置關尹敵

國賓至關尹以告則行理以節逆之閉關則距絕其使不為通也使疏吏翻

臣請獻商於之

地六百里使秦女得為大王箕帚之妾

於如字箕帚之妾猶言備洒掃

也帚止洒翻舊也

秦楚嫁女娶婦長為兄弟之國楚王說而許

之

說讀曰悅

羣臣皆賀陳軫獨弔

陳姓出於舜周武王封舜後于陳子孫以國為氏

王怒曰寡人不興師而得六百里地何弔也對曰不然以臣觀之商於之地不可得而齊秦合齊秦合則患必

至矣王曰有說乎對曰夫秦之所以重楚者以其有齊

也

夫音扶發語辭

今閉關絕約于齊則楚孤秦奚貪夫孤國而

與之商於之地六百里張儀至秦必負王是王北絕齊

交西生患於秦也

楚東北接齊西接秦

兩國之兵必俱至為王計

者不若陰合而陽絕於齊使人隨張儀苟與吾地絕齊

未晚也王曰願陳子閉口毋復言以待寡人得地

無母音

者禁止之辭復扶又翻再又也

乃以相印授張儀

相息亮翻

厚賜之遂閉關

絕約于齊使一將軍隨張儀至秦

班固百官表將軍周末官秦漢因之

張

儀詳墮車

詳讀曰佯詐也

不朝三月

朝直逞翻

楚王聞之曰儀以寡

人絕齊未甚邪

邪余遮翻邪疑辭

乃使勇士宋遺借宋之符北

罵齊王

既閉關絕約則齊楚之信使不通故使宋遺借宋符以至齊宋姓也周武王封微子於宋子孫

以國為氏齊王大怒折節以事秦

折而設翻

齊秦之交合

儀歸而詐疾待

齊秦之交合乃朝

張儀乃朝見楚使者曰子何不受地從某至

某廣袤六里

朝直遙翻使疏吏翻東西曰廣南北曰袤廣古曠翻又讀如字袤音茂

使者

怒還報楚王

還從宣翻又音如字

楚王大怒欲發兵而攻秦陳軫

曰軫可發口言乎攻之不如因賂之以一名都與之并

力而攻齊是我亡地於秦取償於齊也

償辰羊翻報也

今王已

絕于齊而責欺于秦是吾合齊秦之交而來天下之兵

也國必大傷矣楚王不聽使屈匄帥師伐秦

屈姓也音九勿翻匄

居大翻帥讀曰率

秦亦發兵使庶長章擊之

長知大翻按史記擣里子傳庶長章

魏姓

三年春秦師及楚戰于丹陽

索隱曰此丹陽在漢中劉昭曰南郡枝江縣有丹陽

聚即秦破楚處李與地紀勝曰丹陽在今歸州秭歸縣東八里屈沱楚王城是也余按楚遣屈句伐秦秦發

兵逆擊之枝江之丹陽則距郢逼近秭歸之丹陽則不當秦楚之路索隱因下文遂取漢中即謂丹陽在漢中

皆非也此丹陽謂丹水之陽班志丹水出上洛冢嶺山東至析入鈞水其水蓋在弘農丹水析兩縣之間武關

之外也秦楚交戰當在此水之陽楚師既敗秦師乘勝取上庸路西入以收漢中其勢易矣索山客翻真與埴

同屈九勿翻家知隴翻易弋啟翻

楚師大敗斬甲士八萬虜屈句及列

侯執珪七十餘人

執珪楚爵也珪而朝者也

遂取漢中郡

自沔陽成固至

新城上庸時皆漢中郡之地釋名曰郡羣也人所羣聚也黃義仲十三州記曰郡之言君也改公侯之封而言

君者至尊也今郡字君在其左邑在其右楚王悉發國君為元首邑以載民故取名於君謂之郡

內兵以復襲秦

復扶又翻

戰于藍田

班志藍田縣屬京兆秦孝公置史記正義曰藍

田縣在雍州東南八十里從藍田關入藍田縣時楚襲秦深入

楚師大敗韓魏間楚之

困南襲楚至鄧

鄧春秋鄧國之地班志鄧縣屬南陽郡杜預曰潁川名陵縣西有鄧城括地志

曰故鄧城在豫州鄧陵縣東三十五里所謂在古名陵西十里者也名讀曰鄧楚人聞之乃引

兵歸割兩城以請平于秦 燕人共立太子平是為昭

王燕因昭王於破燕之後

言燕國為齊所破已承其後也弔死問孤與

百姓同甘苦卑身厚幣以招賢者謂郭隗曰齊因孤之

國亂而龍襄破燕孤極知燕小力少

滅文仲曰列國有凶稱孤禮也杜預曰列

國諸侯無凶則稱寡人郭姓出於周之號公世亦謂號公為郭公隗五罪翻少始紹翻不足以報

然誠得賢士與共國以雪先王之恥謂燕王噲破國孤之恥噲苦夫翻

之願也先生視可者得身事之郭隗曰古之人君有以

千金使涓人求千里馬者春秋以來諸侯之國有涓人秦漢之間有中涓師古曰涓

潔也言其在中主知潔清洒掃之事蓋王之親舊左右也應劭曰涓人如謁者涓古玄翻洒所賣翻掃所報翻

又皆音如字馬已死買其骨五百金而返君大怒涓人曰死

馬且買之況生者乎馬今至矣不期年千里之馬至者

三期讀今王必欲致士先從隗始况賢于隗者豈遠干

里哉

言燕王若加禮於郭隗則四方之賢士聞之將不以千里為遠而來於是昭王為隗

攻築宮而師事之于是士爭趣燕為于偽翻樂毅自魏

往劇辛自趙往

劇竭戟翻劇姓辛名劇姓莫知其所以自出班志北海郡有劇縣蓋其先以縣為

姓也昭王以樂毅為亞卿任以國政為燕用樂毅破齊張本韓宣

惠王薨子襄王倉立

四年蜀相殺蜀侯

相息亮翻蜀相陳莊也

秦惠王使人告楚懷

王請以武關之外易黔中地

武關左傳之少習地在漢弘農郡析縣西百七十里

道通南陽晉太康地志曰武關當冠軍西括地志曰武關在商州上洛縣東武關之外蓋秦丹析商於之地黔

音琴少始照翻冠楚王曰不願易地願得張儀而獻黔工玩翻於音如字

中地張儀聞之請行王曰楚將甘心于子楚王以墮張儀之詐故欲

甘心奈何行張儀曰秦彊楚弱大王在楚不宜敢取臣

且臣善其嬖臣靳尚嬖匹計翻又卑義靳尚得事幸姬

鄭袖鄭以國為氏袖戰國策作嬖古字也袖之言王無不聽者遂往楚王

囚將殺之靳尚謂鄭袖曰秦王甚愛張儀將以上庸六

縣及美女贖之上庸春秋庸國班志上庸縣屬漢中郡

史記正義上庸縣今房州宋白曰今房

州竹山縣古城
即漢上庸縣

王重地尊秦秦女必貴而夫人斥矣於

是鄭袖日夜泣於楚王曰臣各為其主耳

偽翻

今殺張

儀秦必大怒妾請子母俱遷江南毋為秦所魚肉也王

乃赦張儀而厚禮之張儀因說楚王曰夫為從者無以

異於驅羣羊而攻猛虎不格明矣

說式芮翻夫音扶從子容翻格當也劉伯

非曰格各額翻其字宜從手予據字書格擊也關也從木亦通

今王不事秦秦劫韓驅

梁而攻楚則楚危矣秦西有巴蜀治船積粟浮岷江而

下

治直之翻江水出蜀郡前氏道之岷山故謂之岷江釋名曰江共也小流入其中所公共也

一日

行五百餘里不至十日而拒扞關

徐廣曰巴郡魚復縣有扞關史記正義曰

在峽州巴山縣界扞寒旦翻

扞關驚則從境以東盡城守矣

境楚境也扞關

楚之西境從境以東也

黔中巫郡非王之有

黔巨今翻班志巫縣屬南郡屬

道元曰縣故楚之巫郡杜佑曰今歸州巴東縣是也

秦舉甲出武關則北地絕

北地

楚北境之地陳蔡汝潁是也

秦兵之攻楚也危難在三月之內

難乃旦翻

而楚待諸侯之救在半歲之外夫待弱國之救忘彊秦

之禍此臣所為大王患也

夫音扶為于偽翻

大王誠能聽臣臣

請令秦楚長為兄弟之國無相攻伐

今力翻

楚王已得張

儀而重出黔中地

重難也以地為重意難割弃之

乃許之張儀遂之韓

說韓王曰韓地險惡山居

之如也自楚如韓也韓有宜陽成臯南盡魯陽皆山險之

地說式為翻

五穀所生非菽而麥

菽式竹翻豆也

國無二歲之食見

卒不過二十萬

見卒見在之兵見賢遍翻

秦被甲百餘萬

被皮義翻

山東

之士被甲蒙冑以會戰秦人捐甲徒褐以趨敵

冑本謂之兜鍪

捐與專翻弃也徒徒行也褐音錫袒也趨七喻翻鍪音年

左挈人頭右挾生虜夫戰

孟賁烏獲之士以攻不服之弱國

挾戶頰翻孟賁烏獲古之勇士賁音奔

無異垂千鈞之重於鳥卵之上必無幸矣

三十斤為鈞必無幸矣言

無幸而獲
全之理

大王不事秦秦下甲據宜陽塞成臯

下邳稼
翻塞悉

則

則王之國分矣鴻臺之宮桑林之苑非王之有也為

大王計莫如事秦以攻楚以轉禍而悅秦計無便於此

者韓王許之張儀歸報秦王封以六邑號武信君復使

東說齊王曰從人說大王者

復快又翻從人合從之人
也從子容翻說式芮翻

必曰齊蔽於三晉地廣民衆兵彊士勇雖有百秦將無

奈齊何大王賢其說而不計其實今秦楚嫁女娶婦為

昆弟之國韓獻宜陽梁效河外

河外秦蓋以河東為河
外梁則以河西為河外

張儀以秦趙王入朝割河間以事秦朝直遙翻河間趙地漢文帝二年分

為河間國應劭曰在兩河之間唐為瀛州大王不事秦秦驅韓梁攻齊之南

地漢泰山城陽齊南境之地也悉趙兵度清河指博關臨菑即墨非

王之有也博關在濟州西界之博陵史記正義曰博關在博州趙兵從貝州度清河指博關則漯河

以南臨菑即墨危矣國一日見攻雖欲事秦不可得也濟子禮翻漯託合翻

齊王許張儀張儀去西說趙王曰大王收率天下以擯

秦秦兵不敢出函谷關十五年擯必刃翻事見上大王

之威行於山東敝邑恐懼春秋以來列國交聘行繕甲入率自稱其國曰敝邑

厲兵力田積粟愁居懾處不敢動搖

懾之涉翻怖也心伏也失常也失氣

也處昌呂翻

唯大王有意督過之也

師古曰督過視責也索隱曰督者正其事而責

之督過是深責其過也

今以大王之力舉巴蜀

事見慎覲王五年

并漢中

事見上

包兩周

元年服韓魏則包兩周矣

守白馬之津

班志白馬縣屬東郡水經

註白馬津在白馬城之西北白馬城唐為滑州治所開山圖曰白馬津東可二十許里有白馬山山上常有白

馬羣行悲鳴則河決馳走則山崩後人因以名縣及秦津按通鑑不語怪今此註亦近於怪姑以廣異聞耳

雖僻遠然而心忿含怒之日久矣今秦有敝甲凋兵軍

於澠池

敵敗惡也凋瘁也半傷也敗甲凋兵謙其辭言軍於澠池則張其勢以臨趙矣康曰澠池趙邑

予據趙與韓魏接壤韓有野王上黨魏有河東河內而
沁池則秦地也漢為縣屬弘農郡趙安能越韓魏而有
之康說非是澠莫願渡河踰漳據番吾言欲自澠池北
善翻又莫忍翻

踰漳水而進據番吾此亦張聲勢以臨趙也番吾即漢
常山郡之蒲吾縣也劉昭注曰史記番吾君杜預云晉
之蒲邑也此說非括地志番吾故城在會邯鄲之下願
恒州房山縣東二十里番音婆又音盤

以甲子合戰正殷紂之事

武王伐紂癸亥陳于商郊甲
子昧爽紂帥其旅若林會于

牧野前徒倒戈攻其後以北遂以勝殷殺紂張儀引謹
以懼趙其有所侮而動亦已甚矣邯鄲趙都音寒丹謹

使使臣先聞左右

使臣上
疏吏翻

今楚與秦為昆弟之國而韓

梁稱東藩之臣齊獻魚鹽之地

齊東瀕于海海濱廣斥
魚鹽所出也此時齊未

嘗獻地于秦張儀

駕說以恐動趙耳此斷趙之右肩也夫斷右肩而與人

鬪

夫音扶斷
丁音翻

失其黨而孤居求欲毋危得乎今秦發三

將軍其一軍塞午道

索隱曰午道當在趙之東齊之西
午道地名也鄭玄云一縱一橫為

午謂交道也
塞悲則翻

告齊使度清河軍於邯鄲之東

邯鄲音
塞母

一

軍軍成臯驅韓梁軍於河外

史記正義曰河外謂鄭滑
州北臨河予謂此河外亦

因趙而
言之

一軍軍於澠池約四國為一以攻趙趙服必四

分其地

言秦約齊韓
魏四分趙地

臣竊為大王計莫如與秦王面相

約而口相結常為兄弟之國也趙王許之

當時趙于山
東最強且主

從約張儀說之亦費辭矣

張儀乃北之燕

燕因說燕王曰今趙王已

入朝効河間以事秦

是虛言以動燕耳

張儀自趙至燕借此氣勢而為

大

王不事秦秦下甲雲中九原

虞氏記曰趙自五原河曲築長城東至陰山又於河

西造大城一箱崩不就乃改卜陰山河曲而禱焉書見

羣鵠遊于雲中徘徊經日見火光在其下乃即其處築

城今雲中城是也予謂此亦語怪鄙道元為後魏書之

耳宋白曰勝州榆林縣界有雲中古城趙武侯所築秦

置雲中郡唐為單于都護府班志九原縣屬五原郡漢

之五原即秦之九原郡也唐為豐鹽等州之地宋白曰

唐豐州治九原縣按雲中九原皆在燕之西秦自上郡

朔方下兵則可至史記正義曰古雲中九原郡皆在勝

州雲中郡故城在榆林東北四十里九原郡故城區趙

在勝州西界今連谷縣是下遼稼翻元為干偽翻馬趙

而攻燕則易水長城非大王之有也

水經注易水出涿郡故安縣閭鄉西

山東屈闕城西南即燕長城門也易水又歷長城而東過范陽容城安次泉州縣南而東入海

且今時

齊趙之于秦猶郡縣也不敢妄舉師以攻伐今王事秦

長無齊趙之患矣

以利動之

燕王請獻常山之尾五城以和

常山即北岳恒山也漢文帝諱恒改曰常山置常山郡班志常山在常郡上曲陽縣西北其尾則燕之西南界

也

張儀歸報未至咸陽秦惠王薨子武王立

索隱曰武王名蕩

武王自為太子時不說張儀

說讀曰悅

及即位羣臣多毀短

之

毀短訾毀而數其短也

諸侯聞儀與秦王有隙

隙乞逆翻怨隙也釁隙也物之

有罅釁者為有隙人之皆畔衡復合從衡讀曰橫從子容翻以此觀之

與人有怨者亦為有隙此時六國之勢利在合從而從張儀連衡者畏秦而搖于儀之說耳

五年張儀說秦武王曰為王計者東方有變韓魏皆在秦之東說

式內翻然後王可以多割得地也臣聞齊王甚憎臣臣之

所在齊必伐之臣願乞其不肖之身以之梁不肖謙言無所肖似

也魏都大梁齊必伐梁齊梁交兵而不能相去言兵交不解各欲去而不

能王以其間伐韓間居苑翻間隙也又居閑翻中間也入三川挾天子案

圖籍此王業也張儀欲傾周而為秦始終以此說為主挾戶頗翻王許之齊王

果伐梁梁王恐張儀曰王勿患也

言勿以為患

請令齊罷兵

令盧經翻

乃使其舍人之楚借使謂齊王曰

之往也如也

遣人使齊而往楚借使借使言借楚人以為使借子夜翻康資昔切使疏吏翻

甚矣王之託儀

於秦也齊王曰何故楚使者曰張儀之去秦也固與秦

王謀矣欲齊梁相攻而令秦取三川也今王果伐梁是

王內罷國而外伐與國

罷讀曰疲

而信儀于秦王也齊王乃

解兵還

還從宣翻又如字

張儀相魏一歲卒

相息亮翻卒子恤翻

儀與蘇秦皆以縱橫之術遊諸侯致位富貴天下爭

慕效之

縱子容翻

又有魏人公孫衍者號曰犀首亦以談

說顯名

說式芮翻

其餘蘇代蘇厲周最樓緩之徒紛紛徧

於天下務以辯詐相高不可勝紀

姓譜曰周姓本自周平王子別封汝

川人謂之周家因氏焉一云以報王為秦所滅黜為庶人百姓稱為周家因氏焉予按商有太史周任謂

為周姓所自出夫豈不可又報王於時未滅不可謂周最出於報王樓姓夏少康之裔周封為東樓公子

孫因氏焉師古曰紛紜興作貌又物多而亂貌而儀勝音升報奴版翻夏戶雅翻少始照翻裔苗裔

秦衍最著

著者顯著于時

孟子論之曰或謂公孫衍張儀豈

不大丈夫哉一怒而諸侯懼安居而天下熄

熄滅也火滅為

熄此言天下兵革之事熄滅也

孟子曰是惡足為大丈夫哉

惡音烏

君

子立天下之正位行天下之正道得志則與民由之

不得志則獨行其道富貴不能淫貧賤不能移威武

不能詘

詘與屈同

是之謂大丈夫楊子法言曰或問儀秦

學乎鬼谷術而習乎縱橫言安中國者各十餘年是

夫

夫音扶

曰詐人也聖人惡諸

惡烏路翻

曰孔子讀而儀秦

行

謂讀孔子之言而行儀秦之事

何如也曰甚矣鳳鳴而驚翰也

翰

安

肝翻又侯翻羽翰

然則子貢不為歟曰亂而不解子貢耻諸

太史公曰子貢一出存魯亂齊破吳彊晉而霸越溫
公曰考其年與事皆不合蓋六國遊說之士託為之
辭太史公不加考訂因而記之楊子雲
亦據太史公書發此語也說式芮翻
說而不富貴

儀秦耻諸

說式芮翻

或曰儀秦其才矣乎跡不蹈已

宋咸曰蹈

踐也言儀秦之才術超卓自然
不踐循舊人之跡踐慈演翻

曰簪在任人帝而難

之書舜典而難任人孔安國注云任佞也難
拒也言佞人則斥遠之任音壬難乃旦翻

不以才

乎才乎才非吾徒之才也

秦王使甘茂誅蜀相莊

四年蜀相殺蜀侯秦武王故誅之史記莊作壯秦紀案秦既得

蜀使陳莊相蜀從莊為是

秦王魏王會于臨晉

班志臨晉縣屬馮翊故大荔也秦取

之更名臨晉應劭曰臨晉水故名臣瓚曰晉水在河之東北縣在河之西不得臨晉水舊說秦築高壘以臨晉國故曰臨晉章懷太子賢曰臨晉故城在今同州朝邑縣西南予按唐書地理志蒲州有臨晉縣宋白曰漢臨晉縣在今臨晉縣東南十八里故解城是也後魏改為北解縣周省隋分猗氏縣置桑泉縣唐天寶十二載改臨晉縣天寶之改縣必有所據則應劭臨晉水之說未可厚非秦之臨晉在河西臣瓚章懷之說皆是也更工衡翻應乙陵翻瓚藏旱翻朝

趙武靈王納吳廣之女

孟姚

吳姓以國為氏

有寵是為惠后

孔穎達曰后後也言其後于天子亦以廣後胤也戰

國諸侯借王亦稱其夫人為后

生子何

為立何而長子章爭國張本長知兩翻

六年秦初置丞相以擣里疾為右丞相

應劭曰丞相也相者助也荀

悅曰秦本次國命卿二人故置左右丞相無三公官擣里疾秦惠王之弟也高誘曰疾居渭南之陰鄉其里有大擣樹故號擣里子相息亮翻擣且於翻誘羊父翻

七年秦魏會于應

左傳曰邾晉應韓武之穆也杜預註云應國在襄陽城父縣西予按襄陽

無城父縣後漢志潁川父城縣西南有應鄉古應國也括地志曰故應城因應山為名古之應國在汝州魯山縣東三十里應秦王使甘茂約魏以伐韓而令向壽

乙陵翻邾音于

輔行甘茂令向壽還謂王曰魏聽臣矣

令盧經翻使也向式讓翻姓也

姓譜向姓本自宋文公技子向文盱孫成以王父字為氏子按左傳向戌本出于宋桓公孟子為齊卿出弔于滕王使王驪為輔行趙岐註曰輔行副然願王勿伐使也盱音榦戌音恤傳直戀翻使疏吏翻

王迎甘茂於息壤而問其故

柳宗元曰地長隆然而起夷之而益高者為息壤異

書有云鯀竊帝之息壤以堙洪水意者此所謂息壤蓋以地長得名長音知兩翻

對曰宜陽大

縣其實郡也

杜佑曰春秋時列國相滅多以其地為縣則縣大而郡小故趙鞅曰上大夫受縣下

大夫受郡至于戰國則郡大而縣小矣故甘茂曰宜陽

大縣其實郡也漢官儀曰凡郡或以列國陳魯齊吳是

也或以舊邑長沙丹陽是也或以山陵太山山陽是也

或以川原西河河東是也或以所出金城成下得金酒

泉泉味如酒豫章樟樹生庭雁門雁之所有是也或以

號令夏禹合諸侯大計東冶之山會計因名會稽是也

令力正翻名今王倍數險行千里攻之難倍與背同音

會古外翻今王倍數險行千里攻之難蒲味翻數險

謂函谷及三嶠之險魯人有與曾參同姓名者殺人人告其母其

母織自若也

參所金翻一音七南翻

及三人告之其母投杼下機

踰牆而走

杼直呂翻說文曰杼機之持緯者蓋今所謂梭梭蘇禾翻

臣之賢不若曾

參王之信臣又不如其母疑臣者非特三人臣恐大王

之投杼也魏文侯令樂羊將而攻中山三年而拔之

見事

一卷威烈王二十三年

反而論功文侯示之謗書一篋

謗訕也毀也篋竹箭也音古頰翻

樂羊再拜稽首曰此非臣之功君之

力也

稽音首至地也稽音啟

今臣羈旅之臣也

甘茂楚下蔡人故云然羈居宜翻寄

也旅客也

樗里子公孫奭挾韓而議之王必聽之

樗且于翻與施隻翻

扶戶
賴翻

是王欺魏王而臣受公仲侈之怨也

公仲侈
韓相也

王曰

寡人弗聽也請與子盟乃盟于息壤秋甘茂庶長封帥

師伐宜陽

長知丈翻
帥讀曰率

八年甘茂攻宜陽五月而不拔樗里子公孫奭果爭之

秦王召甘茂欲罷兵甘茂曰息壤在彼

徵前
盟也

王曰有之

因大悉起兵以佐甘茂

佐助也

斬首六萬遂拔宜陽韓公

仲侈入謝於秦以請平

請平猶
請和也

秦武王好以力戲

好呼

翻到

力士任鄙烏獲孟說皆至大官

烏姓也春秋時齊有
大夫烏枝鳴姓譜孟

姓魯桓公之子仲孫之肩仲孫為三桓之孟故曰孟氏任音壬說讀曰悅八月王與孟說舉

男絕脈而薨

脈莫獲翻脈者係絡臟腑其血理分行于支體之間人舉重而力不能勝故脈絕而

死按史記甘茂傳云武王至周而卒于周蓋舉男者舉九男也世家以為龍文赤男史記脈作贖

族孟

說

族者誅夷其族

武王無子異母弟稷為質于燕

質音致燕因肩翻

國

人逆而立之

逆迎也

是為昭襄王昭襄王母芊八子

芊楚姓也

漢因秦制嫡稱皇后次稱夫人又有美人良人八子七子長使少使之號美人爵視二千石比少上造八子視

千石比中更芊亡氏翻

楚女也寔宣太后

趙武靈王北略中山

之地

略地之師速而疾杜預曰略者摠攝巡行之名也

至房子

班志房子縣屬常山郡史記正

義曰房子今趙州縣宋白曰天寶元年改曰臨城

遂至代北至無窮

自代北出塞外大漠

數千里故曰無窮戰國策武靈王曰昔先君襄王與代交地城境封之名曰無窮之門所以詔後而期遠也

西至河登黃華之上

史記正義曰黃華蓋黃河側之山名

與肥義謀胡服

騎射以教百姓

騎奇寄翻

曰愚者所笑賢者察焉雖驅世以

笑我胡地中山吾必有之遂胡服國人皆不欲公子成

稱疾不朝

朝直通翻

王使人請之曰家聽于親

親謂父母也

國聽

于君今寡人作教易服而公叔不服吾恐天下議已也

制國有常利民為本從政有經令行為上

令力政翻

明德先

論於賤而從政先信於貴

德欲其下及故先論於賤卑賤者感其德則德廣所及可

知矣法行自貴近始故先信於貴貴近者奉法則法之必行可知矣

故願慕公叔之義以

成胡服之功也公子成再拜稽首曰

稽音啟

臣聞中國者

聖賢之所教也禮樂之所用也遠方之所親赴也蠻夷

之所則效也今王舍此而襲遠方之服

則法也舍讀曰捨襲重衣也

變古之道逆人之心臣願王孰圖之也

孰古熟字通

使者以

報王自往請之

使疏更翻

曰吾國東有齊中山

按趙都邯鄲東接于齊中

山在其東北故史記趙世家載武靈王之言曰吾國東有河薄落之水與齊中山同之蓋河薄落之水在趙之

東與齊中山北有燕東胡西有樓煩秦韓之邊史記正義曰營

同此地險也

州之境即東胡烏丸之地林胡樓煩即嵐勝之北也班

志雁門郡樓煩縣應劭注云故樓煩胡地嵐勝以南石

州離石蘭等七國時趙邊也與秦隔河晉洛潞今無騎

澤等州皆七國時

韓地趙之

西邊也燕因肩

翻

今無騎

射之備則何以守之哉騎奇先時中山負齊之彊兵侵

暴吾地係累吾民

先悉薦翻

引水圍鄯微社稷之神靈

則鄯幾于不守也鄯趙邑漢光武改為高邑隋唐為柏

先君醜之以為趙故寡人變服騎射欲以備四境之

難

難乃

報中山之怨而叔順中國之俗惡變服之名

難

難

難

難

難

難

難

難

難

難

難

難

難

難

難

難

難

難

難

難

難

翻路

以忘鄙事之醜非寡人之所望也公子成聽命乃賜

胡服明日服而朝

朝直
通翻

于是始出胡服令而招騎射焉

九年秦昭王使向壽平宜陽

平正也和也正宜陽之疆
界而和其民人也向式亮

翻

而使擣里子甘茂伐魏甘茂言于王以武遂復歸之

韓

史記正義曰武遂本屬韓近平陽楚世家云韓先王
之墓在平陽武遂去之七十里去年秦拔宜陽因涉

河城武遂今復歸
之韓復音如字

向壽公孫奭爭之不能得

向式
讓翻

由此

怨讒甘茂懼輟伐魏蒲阪亡去

班志蒲阪縣屬河東
郡舊曰蒲應劭曰秦

始皇東巡見長阪因加阪云括地志蒲
阪故城在蒲州河東縣南五里阪音反

擣里子與魏講

而罷兵

講和也

甘茂奔齊

趙王略中山地至寧葭

水經注

漳水東北歷下博城西又西逕樂鄉縣故城南又東引葭水注之葭音加西略胡地至榆中水經注諸次水出上郡諸次山其水東逕榆林塞世又謂之榆林山即漢書所謂榆溪舊塞者自溪西去悉榆柳之藪緣歷沙陵屈龜茲縣西出故云廣長榆也王恢曰樹榆為塞謂此蘇林以為榆中在上郡非也按始皇本紀西北逐匈奴自榆中並河以東屬之陰山然榆中在金城西五十許里陰山在朔方東以此推之不得在上郡予謂蘇林之說固未為盡而道元所謂榆中在金東五十許里亦非也據衛青取河南地案榆溪舊塞正在唐麟勝二州界其西則接古上郡之境況諸次水出上郡逕榆林塞入河則榆中在上郡之東明矣諸次水無西流至金城榆中之理夷考其故道元特以班志金城郡有榆中縣遂牽合以為說不知此一節之誤尤

甚于蘇林也史記正義曰榆中勝州此河北
岸也杜佑曰勝州榆林郡南即秦榆林塞
林胡王獻

馬阻如淳曰林胡即僭林予謂此胡種落依
阻林薄因曰林胡僭都甘翻種章勇翻歸使樓緩之

秦仇液之韓王賁之楚也歸謂趙王自略中山歸也仇姓

亦之往也如也賁音奔康曰離之父翦之子予按離富

父翦子秦將也此王賁乃趙人康說非是將即亮翻富

丁之魏富姓也春秋時趙爵之齊代相趙固主胡致其

兵相息亮翻致者使之至者楚王與齊韓合從楚與齊韓合從尋

從子容翻韓之兵耳
十年彗星見彗星出所謂掃星本類星末類彗小者數
寸長或竟天見則兵起主掃除舊布新

唐史臣曰彗體無光傳日以爲光故夕見則東指晨見則西指或長或短光芒所及則爲災又曰字星彗之屬也偏指曰彗氣四出曰字字者字字非常惡氣之所生災甚于彗天文書謂五星之精爲妖歲星流爲蒼彗熒惑填星散爲赤彗黃彗太白辰星變爲白彗黑彗彗祥歲翻又徐醉翻又旋海翻見賢通翻婦所報翻傳讀曰附字蒲內翻妖于遙翻填讀曰鎮

趙王伐中山取丹邱爽陽鴻之塞

又取鄣石邑封龍東垣

史記正義曰丹邱邢州縣予按隋唐志邢州有內邱縣漢之中

邱縣也未嘗有丹邱不知其何據爽陽鴻之塞史記作華陽鴻之塞括地志曰北岳別名曰華陽臺即常山也在定州恒陽縣北四十里徐廣曰鴻作鴻鴻上故關今名汝城在定州唐縣東北六十里又有鴻上水出唐縣北葛洪山山接北岳恒山皆在定州界班志石邑縣屬常山郡片煙山在西括地志石邑故城在恒州鹿泉

縣南三十五里封龍山一名飛龍山在恒州鹿泉縣南
四十五里邑蓋因山為名洪氏隸釋載後漢所立白石
碑云常山國元氏縣界有封龍山東垣即漢真定國之
真定縣漢高帝更名史記正義曰趙之東垣在恒州真
定縣南八里故常山城是也鄙呼各翻垣于元翻
華戶化翻恒戶登翻鵠丑之翻陘音刑更工衡翻
中
獻四邑以和 秦宣太后異父弟曰穰侯魏冉同父弟

曰華陽君芊戎王之母弟曰高陵君涇陽君魏冉最

賢秦封穰侯于陶陶即范蠡所居陶邑孟康曰陶即定陶班志定陶縣屬濟陰郡下云封于穰與陶穰縣屬

南陽郡去定陶差遠水經注曰穰侯封于穰益封于陶其免相也出之陶而卒陶有穰侯冢穰音人羊翻華陽即武王歸馬之地水經註洛水自上洛縣東北分為二水枝渠東北出為門水水東北歷楊華之山即華陽也

華音戶化翻芊眉婢翻相息亮翻卒子恤翻冢知隴翻
班志高陵縣屬馮翊涇陽縣屬安定杜佑曰京兆涇陽
縣乃秦封涇陽君之地漢涇陽縣在今平涼郡界涇陽
故城是也宋白曰雍州涇陽本秦舊縣與杜佑同索隱
曰高陵君名顯涇陽君名
惺索山客翻惺苦回翻
自惠王武王時任職用事武

王薨諸弟爭立唯魏冉力能立昭王

惠王即惠文王昭王即昭襄王

王即位以魏冉為將軍衛咸陽是歲庶長壯及大臣諸

公子謀作亂

長知翻

魏冉誅之及惠文后皆不得良死

惠文

后昭王嫡母也死

悼武王后出于魏

悼武王后即秦武王后昭王嫂

也王兄弟不善者魏冉皆滅之王少宣太后自治事任

魏冉為政威震秦國

少詩照翻治直之翻
為范睢間魏冉張本

十一年秦王楚王盟于黃棘

史記正義曰黃棘蓋在房
襄二州予按班志南陽郡

有棘陽縣應劭曰
縣在棘水之陽

秦復與楚上庸

三年秦敗楚師虜
屈匄取楚上庸

十二年彗星見

彗祥歲翻又徐醉翻
旋芮翻見賢通翻

秦取魏蒲阪晉

陽封陵

晉陽史記世家作陽晉其地當在蒲阪之東風
陵之西大河之陽且本晉地也故謂之陽晉蘇

秦所謂衛陽晉之道蓋以魏境有陽晉故在衛境者稱
衛陽晉以別之括地志曰晉陽故城今名晉城在蒲州

虞鄉縣西水經注函谷關直北隔河有崇阜巍然獨秀
世謂之風陵酈道元所謂函谷則潼關也史記正義曰

封陵在蒲州唐志河中府河東縣南有
風陵關今若據括地志則晉陽亦通

又取韓武遂

九年

秦歸韓
武遂

齊韓魏以楚負其從親

九年楚與齊韓合從
蓋即負之也從子客

翻

合兵伐楚楚王使太子橫為質于秦以請救

質音致

秦

客卿通將兵救楚三國引兵去

將即亮翻又
音如字領也

十三年秦王魏王韓太子嬰會于臨晉韓太子至咸陽

而歸秦復與魏蒲阪

阪音反去年
秦取魏蒲阪

秦大夫有私與楚

太子鬬者太子殺之亡歸

楚太子質秦而亡歸復質于
齊秦以為言而誘隔其父齊

乘其父出而
要之以利

十四年曰有食之既

秦人取韓穰

班志穰縣屬南陽
郡以時考之當屬

楚然韓得潁川之地與南陽接壤七國兵爭疆場之間一彼一此或者此時穰屬韓歟穰之半翻

蜀守輝叛秦秦司馬錯往誅之

蜀守蜀郡守也史記秦紀作蜀侯華陽國志曰

秦封王子輝為蜀侯蜀侯祭歸胙于王後母疾之加毒以進王大怒使司馬錯賜輝劍守音狩輝索隱音

暉

秦庶長奐會韓魏齊兵伐楚

修楚太子亡歸敗之怨長知大翻

其師于重邱殺其將唐昧遂取重邱

唐姓本于唐堯春秋之時有二

重邱衛孫蒯飲馬于重邱杜預曰曹邑諸侯同盟于重邱杜預曰齊地時楚之境皆不至此呂氏春秋曰

齊令章子與韓魏攻荊荆使唐蔑將兵應之夾泚而軍章子夜襲之斬蔑于是水之上水經注曰泚水又

西澳水注之城北出泚邱山南入于泚水意者重邱即泚邱也敗補邁翻將即亮翻昧荀子作蔑楊倞註

曰與昧同語音相近當音未索隱
音莫葛翻重直龍翻此才支翻

趙王伐中山

君犇齊

十五年秦涇陽君為質于齊

致質音

秦華陽君伐楚大

破楚師斬首三萬殺其將景缺取楚襄城

班志襄城縣屬潁川郡有

西不羹楚靈王所謂大城陳蔡不羹賦皆千乘是也將即亮翻陸德明曰不羹舊音郎漢書地理志作更字乘

純證

楚王恐使太子為質于齊以請平

為楚懷王入秦而卒齊留太子

以邀楚張本

秦樗里疾卒以趙人樓緩為丞相

樗丑于翻卒子恤翻

相息亮翻

趙武靈王愛少子何欲及其生而立之

少詩照翻及其

生者及其生
而觀見之

十六年五月戊申大朝東宮

朝直遙翻

傳國於何王廟見禮

畢出臨朝

廟見始即位而見祖廟也見賢適翻

大夫悉為臣肥義為相國

并傳王

相國之官始此秦漢因之漢魏以降其位望尊於丞相相息亮翻

武靈王自號

主父

主父言為國之主之父也一曰言其子主國而已則父也

主父欲使子治國身

胡服將士大夫西北畧胡地

治直之翻將即亮翻又如字

將自雲中

九原南襲咸陽于是詐自為使者入秦

使疏吏翻

欲以觀秦

地形及秦王之為人秦王不知已而怪其狀甚偉非人

臣之度

賓主相見交際之禮已方怪其非人臣

使人逐之主父行已脫關

矣審問之乃主父也

謂已脫身出秦關也

秦人大驚齊王魏王

會于韓

秦人伐楚取八城秦王遺楚王書曰始寡人

與王約為兄弟盟于黃棘

見上十一年遺于季翻

太子入質至驪

也

質音致見十二年

太子陵殺寡人之重臣不謝而亡去

見十三年

寡人誠不勝怒

勝音升

使兵侵君王之邊

謂戰重邱取襄城

今聞

君王乃令太子質于齊以求平

見十五年

寡人與楚接境婚

姻相親

妻父曰婚婿父曰姻字書婚昏也禮娶以昏時婦人陰也故曰婚婿家女之所因故曰姻字林

婚婦家姻壻家賈公彥曰各據男女身則男曰昏女曰姻若以親言之則女之父曰婚壻之父曰姻予按張儀言秦楚嫁女娶婦為昆弟之國考之于史自赧王四年至是年秦楚未嘗嫁娶也至十九年楚懷王死于秦至二十三年楚襄王逆婦于秦蓋先已而約親其後襄王終喪始逆婦成婚姻而今秦楚不驩則

無以令諸侯

政令力翻

寡人願與君王會武關面相約結盟

而去寡人之願也楚王患之欲往恐見欺欲不往恐秦

益怒昭睢曰毋行而發兵自守耳

睢息遺翻又七余翻

秦虎狼也

有并諸侯之心不可信也懷王之子蘭勸王行王乃入秦秦王令一將軍詐為王伏兵武關楚王至則閉關劫

之與俱西至咸陽朝章臺如藩臣禮

朝直遙翻秦章臺宮在渭南漢張敞

走馬章臺街孟康曰在長安中臣瓚曰街在章臺下漢長安在渭南以此言之章臺宮在渭南明矣瓚藏早翻

要以割巫黔中郡楚王欲盟秦王欲先得地楚王怒曰

秦詐我而又彊要我以地

要一遙翻黔其今翻彊其良翻又其兩翻

因不復

許秦人留之

復扶又翻

楚大臣患之乃相與謀曰吾王在秦

不得還要以割地而太子為質于齊

還從宣翻又音如字要一遙翻質音

致齊秦合謀則楚無國矣欲立王子之在國者昭睢曰

王與太子俱困於諸侯今又倍王命而立其庶子不宜

唯息隨翻
倍蒲妹翻

乃詐赴于齊

詐言楚王薨而請太子還王楚

齊湣王召羣臣

謀之或曰不若留太子以求楚之淮北

湣讀曰閔楚滅陳蔡封畛于汝

滅越取吳故地并有古徐夷之地皆在淮北即楚所謂下東國

齊相曰不可郢中立王

郢楚都班志南郡江陵縣故楚郢都楚文王自丹陽徙此後九世平王城之又後十世秦拔之東徙壽春亦名

曰郢水經江水東逕江陵縣故城南又東逕郢城南注云今江陵城楚船官地春秋之渚宮郢城即子農遺言

所城者劉昫曰故楚都之郢城今江陵縣北十五里紀南城是也相息亮翻

是吾抱空質而

行不義於天下也

質音致

其人曰不然郢中立王因與其

新王市曰予我下東國吾為王殺太子

市謂相要以利如市道也予讀

曰與為
于偽翻

不然將與三國共立之

三國謂
齊韓魏

齊王卒用其相

計而歸楚太子

辛子
恤翻

楚人立之

秦王聞孟嘗君之賢

使涇陽君為質於齊以請孟嘗君來入秦秦王以為丞

相

質音
致

十七年或謂秦王曰孟嘗君相秦必先齊而後秦

先後
皆去

聲秦其危哉秦王乃以樓緩為相囚孟嘗君欲殺之孟

嘗君使人求解於秦王幸姬姬曰願得君狐白裘

狐白
裘緝

狐掖之皮為之所謂千金
之裘非一狐之掖者也

孟嘗君有狐白裘已獻之秦

王無以應姬求客有善為狗盜者入秦藏中

物之所藏曰藏音祖

浪翻

盜狐白裘以獻姬姬乃為之言于王而遣之

為于偽翻王

後悔使追之孟嘗君至關關法雞鳴而出客時尚蚤

蚤古

早字通

追者將及客有善為鷄鳴者野鷄聞之皆鳴孟嘗

君乃得脫歸 楚人告于秦曰賴社稷神靈國有王矣

秦王怒發兵出武關擊楚斬首五萬取十六城 趙王

封其弟為平原君

班志平原縣屬平原郡勝封于東武城號平原君非封于平原也東武城

屬清河郡杜佑曰今貝州武城縣是也

益定襄有武城時同屬趙故此加東也

平原君好士

好呼

到食客嘗數千人有公孫龍者善為堅白同異之辨

漢書

藝文志公孫龍子十四篇註云即為堅白同異之辨者成元英莊子疏云公孫龍著守白論行于世堅白即守白也言堅執其說如墨子墨守之義自堅白之論起辨者互執是非不勝異說公孫龍能合衆異而為同故謂之同異史記注曰晉太康地記云汝南西平縣有龍淵水可用淬刀劍極堅利故有堅白之論云黃所以為堅也白所以為利也或曰黃所以為不堅白所平原君客以為不利二說未知孰是勝音升淬取內翻

之孔穿自魯適趙

按孔叢子孔穿孔子之後孫恂曰孔姓殷湯之後本自帝嚳元妃簡狄吞

乙卯生契賜姓子氏至湯以其祖感乙而生故名履字天乙後代以子如乙始為孔氏至宋孔父遭華督之難

其子奔魯故孔子生于魯恂彌充與公孫龍論臧三耳翻譽苦沃翻華戶化翻難乃旦翻

三耳如莊子所載鷄三足之說莊子疏謂數起于一與一為二二與一為三三名雖立寔無定體故鷄可以為三足則兩耳三耳其說亦猶是耳一說耳主聽兩耳形也兼聽而言可得為三臧臧獲之臧臧獲奴婢也

龍甚辯析

辯別也析分也言分別甚精微也

子高弗應俄而辭出明日

復見平原君

子高孔穿字也復扶又翻

平原君曰疇昔公孫之言信

辯也

毛晃曰疇昔曩也昔夕也疇昔曩夕也

先生以為何如對曰然幾能令

臧三耳矣

毛晃曰然如也是也語決辭幾居依翻令使也音力丁翻

雖然寔難僕願

得又問于君今謂三耳甚難而寔非也謂兩耳甚易而

寔是也不知君將從易而是者乎其亦從難而非者乎

平原君無以應明日謂公孫龍曰公無復與孔子高辯

事也

易弋
歧翻

其人理勝于辭公辭勝于理終必受訕鄒衍

過趙

禾翻
過古

平原君使與公孫龍論白馬非馬之說

此亦
莊子

所謂狗非犬之說疏云狗之與犬一實兩名名實合則此為狗彼為犬名實離則狗異于犬又墨子曰狗犬也然狗非狗犬也大指與白馬非馬之說同鄒子曰不可夫辯者別殊類使不

相害序異端使不相亂抒意通指

夫音扶別彼列翻索
隱曰抒音墅抒者舒

也又常恕翻
康曰亦音舒

明其所謂使人與知焉不務相迷也

與音
如字

又讀

預故勝者不失其所守不勝者得其所求

辯以求是
辯雖不勝

而得審其是所謂得其所求也若是故辯可為也及至煩文以相假飾

辭以相惇

惇都昆翻迫也
詆也誰何也

巧譬以相移引人使不得及

其意如此害大道夫繳紛爭言而競後息

索隱繳音糾
康吉弔切非

言其言戾紛然而爭欲人
先屈務在人後方止也

不能無害君子行不為也座

皆稱善

言一座之人皆
稱衍言為善

公孫龍由是遂絀

通鑑書此言
小辯終不足

破大道絀音較律翻說文
曰絀貶下也又讀與屈同

資治通鑑卷三

欽定四庫全書

資治通鑑卷四

宋司馬光撰

胡三省音註

周紀四

起閏逢困敦盡著雍困敦凡二十五年始甲子終戊子

赧王中

十八年楚懷王亡歸秦人覺之遮楚道

遮其歸楚之路也

懷王

從間道走趙

間隙也從空隙之路而行也間古覓翻走音奏又音如字

趙主父在代

趙人不敢受懷王將走魏秦人追及之以歸

魯平公薨子緡公賈立

世本緡作湑

十九年楚懷王發病薨於秦秦人歸其喪

喪息即翻

楚人皆

憐之如悲親戚諸侯由是不直秦 齊韓魏趙宋同擊

秦至鹽氏而還

括地志鹽氏故城一名司鹽城在蒲州安邑縣掌鹽池之官因稱鹽氏徐廣曰

鹽一作監秦與韓武遂與魏封陵以和又取韓武遂今皆歸

之以和趙主父行新地

趙新取中山之

遂出代西遇樓煩

王於西河而致其兵

趙北有林胡樓煩之茂漢鴈門郡樓煩縣樓煩胡所居地西河即漢

西河郡之地

魏襄王薨子昭王立

世本曰昭王名邀

韓襄王薨

子釐王咎立

釐讀曰僖

二十年秦尉錯伐魏襄城

尉蓋國尉也班志襄城縣屬潁川郡以分地考之潁川屬

韓境蓋魏與韓分有潁川之地用兵爭疆疆場之間朝韓暮魏則此時襄城或為魏土容亦有之場音亦

趙主父與齊燕共滅中山遷其王於膚施

燕因肩翻班志膚施縣屬

上郡唐屬延州為州治所

歸行賞大赦置酒酺五日

酺音蒲說文曰王德布大飲酒

也師古曰酺之為言布也王德布於天下而合聚飲食為酺師古所註漢法也此言趙國內酺耳赦者宥有罪

也

趙主父封其長子章於代號曰安陽君

長知丈翻班志代郡

有東安陽縣括地志東安陽故城在朔州定襄縣界

安陽君素侈心不服其弟

不服

其弟為王也

主父使田不禮相之

相息亮翻

李兌謂肥義曰公子

章彊壯而志驕黨衆而欲大田不禮忍殺而驕二人相

得必有陰謀夫小人有欲輕慮淺謀徒見其利不顧其

害難必不久矣

夫音扶難乃旦翻下同

子任重而勢大亂之所始

而禍之所集也子何不稱疾毋出而傳政於公子成毋

為禍梯

梯猶階也以木為之以升高者也禍梯猶言禍階也梯天黎翻

不亦可乎肥義

曰昔者主父以王屬義也

屬之欲翻

曰毋變而度毋易而慮

而猶汝也堅守一心以歿而世義再拜受命而籍之

記王命於籍也

今畏不禮之難而忘吾籍變孰大焉諺曰死者復生生

者不愧吾欲全吾言安得全吾身乎子則有賜而忠我

矣雖然吾言已在前矣終不敢失李兑曰諾子勉之矣

吾見子已今年耳

已止也言肥義命止於今年也

涕泣而出李兑數見

公子成以備田不禮

數見者相與謀為之備也數所角翻

肥義謂信期曰

索隱曰即下文高信也史記正義曰信音申康曰如字

公子章與田不禮聲善而

實惡內得主而外為暴

得主謂章為主父所憐也

矯令以擅一旦之

命不難為也

矯令矯

主父之令也翻擅時戰翻

今吾憂之夜而忘寐

飢而忘食盜出入不可以不備

言盜在主父左右出入不可不備也

自今

以來有召王者必見吾面我將以身先之無故而後王

可入也

先悉薦翻

信期曰善主父使惠文王朝羣臣而自從

旁窺之見其長子儼然也

朝直遙翻長知丈翻儼倫追翻懶懈貌少子臨朝而長子

朝之故其貌如此

反北面為臣詘於其弟

詘與屈同

心憐之於是乃

欲分趙而王公子章於代

王于沉翻又音如字

計未決而輟主父

及王游沙丘

史記正義曰沙丘在邢州平鄉縣東北二十里余按沙丘臺紂所作也班志云沙丘

在鉅鹿郡鉅鹿縣東北七十里

異宮

異宮而處也

公子章田不禮以其徒作

亂詐以主父令召王肥義先入殺之高信即與王戰信高

以王與公子章之徒戰也

公子成與李兌自國至

趙都邯鄲自邯鄲至也邯鄲音寒丹

也

乃起四邑之兵入距難

距猶拒也難乃旦翻

殺公子章及田不

禮滅其黨公子成為相號安平君

相息亮翻班志涿郡有安平縣非趙地也

以公子成能平難而安國故以為號

李兌為司寇

司寇周六卿之一也掌刑

是時惠文

王少

少詩照翻

成兌專政公子章之敗也往走主父主父開

之

謂開官門內之也走音奏

成兌因圍主父公子章死成兌謀曰以

章故圍主父即解兵吾屬夷矣

夷誅也滅也

乃遂圍之令宮

中人後出者夷

正令翻力

宮中人悉出主父欲出不得又不

得食探雀穀而食之

爾雅曰生哺穀生嚼雛釋云辨鳥子之異名也鳥子生而須母哺食

者為穀謂燕雀之屬也生而能自啄食者為雛謂雞雉之屬也探吐南翻穀居候翻

三月餘餓死

沙丘宮主父定死乃發喪赴諸侯主父初以長子章為

太子後得吳娃愛之

長知丈翻吳娃謂吳廣之女孟姚也見上卷五年吳楚之間謂美女

曰娃娃音於佳翻

為不出者數歲

偽為于翻

生子何乃廢太子章而

立之

何即惠文王也

吳娃死愛弛憐故太子欲兩王之猶豫未

決故亂起

秦樓緩免相魏冉代之

相息亮翻

二十一年秦敗魏師于解

敗補邁翻班志解縣屬河東郡宋白曰解縣地即夏鳴條

之野有鹽池之利後漢乾祐元年騎師李茂貞奏置解州師古曰解蒲買翻

二十二年韓公孫喜魏人伐秦

魏書人其將微也將即亮翻

穰侯薦

左更白起於秦王以代向壽將兵

白姓也春秋之時秦有白乙丙穰人羊翻

更工衡翻向息亮翻

敗魏師韓師于伊闕斬首二十四萬級虜公

孫喜拔五城秦王以白起為國尉

戰國之時有國尉有郡尉應劭曰自上安

下曰尉武官悉以為稱敗補邁翻

秦王遺楚王書曰楚倍秦秦且率

諸侯伐楚願王之飭士卒

飭治也整也遺于季翻倍蒲妹翻

得一樂戰

樂音洛快意也言一戰以快其意

楚王患之乃復與秦和親

和親者結和以相親

也復扶又翻又音如字

二十三年楚襄王迎婦於秦

臣光曰甚哉秦之無道也殺其父而劫其子

謂楚懷王

秦而以困死秦王復遺襄王書以兵威劫之

楚之不競也

杜預曰競強也或曰競爭也言

不能與秦爭也

忍其父而婚其讐

謂楚襄王父死于秦是仇讐之國也忍恥而與之婚

嗚呼楚之君誠得其道臣誠得其人秦雖彊烏得陵之哉善乎荀卿論之曰夫道善用之則百里之地可

以獨立不善用之則楚六千里而為讐人役

夫音故

人主不務得道而廣有其勢是其所以危也

秦魏冉謝病免以客卿燭壽為丞相

燭姓也左傳鄭有大夫燭之武

二十四年秦伐韓拔宛

宛故申伯國班志宛縣屬南陽郡唐為鄧州南陽縣宛於元翻

秦燭壽免魏冉復為丞相

相息亮翻

封於穰與陶謂之穰

侯又封公子市于宛公子悝于鄧

悝苦回翻

二十五年魏入河東地四百里

河東地蓋安邑大陽蒲阪解縣瀕河之地阪音

反解下買翻

韓入武遂地二百里于秦

武遂地十八年秦以予韓予讀曰與

魏芒卯始以詐見重

芒謨即翻姓也卯其名

二十六年秦大良造白起客卿錯伐魏至軹取城大小

六十一

大良造即大上造之良者大上造秦十六爵軹音只軹縣班志屬河內郡唐為孟州濟源縣

二十七年冬十月秦王稱西帝遣使立齊王為東帝欲

約與共伐趙蘧代自燕來

使疏吏翻燕因肩翻

齊王曰秦使魏冉

致帝子以為何如對曰願王受之而勿稱也秦稱之天

下安之王乃稱之無後也

無後猶言未晚

秦稱之天下惡之

惡鳥

翻路王因勿稱以收天下此大資也且伐趙孰與伐桀宋

利梁宋見下今王不如釋帝以收天下之望發兵以伐

梁宋舉則楚趙梁衛皆懼矣是我以名尊秦而令天

下憎之經令盧翻所謂以卑為尊也古人有言曰自齊王從

之稱帝二日而復歸之歸帝號而不稱也復十二月呂

禮自齊入秦姓譜曰太嶽為禹心呂之臣故封呂侯秦

王亦去帝復稱王去羗呂翻除秦攻趙拔杜陽徐廣曰

梗按班志杜陽在太原郡榆次縣界杜陽縣屬扶風注

云杜水南入渭詩曰自土師古注云縣詩自土沮漆齊

詩作自杜言公劉自狄而來居杜與沮漆之地又云扶

風拘邑有幽卿公劉所都審爾則杜陽近拘邑接上郡

北地之境趙地西至上郡膚施或者其時併有杜陽歟沮七余翻拘須倫翻幽彼貧翻

二十八年秦攻趙拔新垣曲陽

史記正義曰年表及括

濟源縣西四十里新垣近曲陽未詳端的之處余按班志王屋山在河東垣縣泇水所出東流為濟水經濟水出河東垣縣王屋山為泇水注云濟水重源出溫西北平地水有二源東源出原城東北晉文公以信降原即此城也俗以濟水重源所發因復謂之濟源城如此則濟源去垣不遠矣蓋新垣即河東之垣縣也以縣有遷徙謂其新邑為新垣也垣干元翻濟子禮翻流以轉翻降戶江翻重直龍翻復扶久翻

二十九年秦司馬錯擊魏河內

漢河內郡即魏河內之地秦并屬河東郡孟子

記梁惠王曰河內凶則移其民於河東移其粟於河內蓋魏之有國河東河內自為二郡也錯七各翻又千故

翻

魏獻安邑以和秦出其人歸之魏秦敗韓師於夏

山

敗補遁翻
夏戶雅翻

宋有雀生駢於城之陬駢劉向說苑作鷦字林曰鷦屬

陸璣曰鷦似鷦青黃色燕頤句啄向風搖翅乃因風飛急疾擊鷦鷯燕雀食之取子侯翻隅也句古侯翻史

占之

史太史之屬
掌卜筮者

曰吉

凶人吉
其凶

小而生巨必霸天下宋

康王喜起兵滅滕伐薛

班志沛郡公丘縣古滕國永經注滕城在蕃縣西唐志滕縣屬

徐州薛即孟嘗君所封
地蕃音反又音如字

東敗齊取五城南敗楚取地三

百里西敗魏軍與齊魏為敵國乃愈自信其霸欲霸之

亟成故射天咎地

敗補遁翻亟已力翻射而亦翻
後以義推咎擊也音丑之翻

斬社

稷而焚滅之

記

曰其工氏有子曰句龍能平水土故祀以爲社烈山氏之子曰柱爲稷自夏以上

祀之周棄亦爲稷自商以來祀之自漢以下夏禹配食官社后稷配食官稷周禮注社稷土穀之神共讀曰恭

夏戶雅翻

以示威服鬼神爲長夜之飲於室中室中人呼萬

歲則堂上之人應之堂下之人又應之門外之人又應

之以至於國中無敢不呼萬歲者天下之人謂之桀宋

言其昏暴如桀也

齊湣王起兵伐之民散城不守宋王奔魏死

於溫

溫周司寇蕪忽生之邑班志溫縣屬河內郡宋至此而滅湣讀曰閔

三十年秦王會楚王於宛

宛於元翻

會趙王於中陽

班志中陽縣屬

西河郡水經註文水逕太原茲氏縣故城之東
潞為文湖文湖水又東逕中陽縣故城東
秦蒙武擊

齊拔九城

風俗通東蒙主以蒙山為氏

齊湣王既滅宋而驕乃南

侵楚西侵三晉欲并二周為天子狐喧正議斲之檀衢

狐姓也春秋之時晉有狐突狐毛狐偃父子左傳齊簡

公與婦人飲酒于檀臺檀衢意其地為通檀臺之衢路

也爾雅四達謂之衢咍况晚陳舉直言殺之東閭左傳

翻又况遠翻斲側略翻斬也

齊州郕門于東閭燕昭王日夜撫循其人益以富實燕

杜預注曰齊東門

乃與樂毅謀伐齊樂毅曰齊霸國之餘業也毅魚器

翻自齊

桓公霸天下國以彊地大人衆未易獨攻也易弋王必

大田氏藉其餘業

欲伐之莫如約趙及楚魏於是使樂毅約趙別使使者

連楚魏且令趙嚙秦以伐齊之利

使者上疏吏翻令力丁翻以利誘之曰嚙

嚙音田濫翻
誘羊久翻

諸侯害齊王之驕暴皆爭合謀與燕伐齊

燕因
肩翻

三十一年燕王悉起兵以樂毅為上將軍

上將軍猶春秋之元帥帥

所類
翻

秦尉斯離帥師與三晉之師會之

尉秦官也斯離其名或曰斯姓

也離名也斯蜀之西南夷
種遂以為姓帥讀曰率

趙王以相國印授樂毅樂毅

并將秦魏韓趙之兵以伐齊齊湣王悉國中之衆以拒

之戰於濟西

相息亮翻將即亮翻滑讀曰閔水經濟水東北過壽張縣西界北逕須昌穀城臨邑

縣西又北逕北平陰城西又東北過盧縣北皆齊地也濟西地在濟水之西濟子禮翻下同

齊師大

敗樂毅還秦韓之師分魏師以略宋地部趙師以收河

間秦韓與齊隔遠故先還其師宋地近於魏故使略之

河間近於趙故以方略部趙取之此其部分非人所

能及也宋地齊身率燕師長驅逐北劇辛曰齊大而燕

滅宋所取之地小燕因肩翻賴諸侯之助以破其軍宜及時攻取其邊

城以自益此長久之利也劇竭戟翻今過而不攻以深入

為名無損於齊無益於燕而結深怨後必悔之樂毅曰

齊王伐功矜能謀不逮下廢黜賢良信任諂諛政令戾

虐百姓怨懟

懟直類翻

今軍皆破亡若因而乘之其民必叛

禍亂內作則齊可圖也若不遂乘之待彼悔前之非改

過恤下而撫其民則難慮也遂進軍深入齊人果大亂

失度

難慮謂難為計慮也失度失其常度也

湣王出走樂毅入臨淄取寶

物祭器輸之於燕燕王親至濟上勞軍行賞饗士

燕因肩翻

濟子禮翻

封樂毅為昌國君

班志昌國縣屬齊郡封毅為昌國君以其能昌大燕

也遂使畱徇齊城之未下者齊王出亡之衛衛君辟宮

舍之稱臣而共具

辟讀曰避共音供又居用翻

齊王不遜衛人侵之

齊王去奔鄒魯有驕色鄒魯弗內遂走莒

莒春秋莒子之國齊滅之

班志莒縣屬城陽國國都也宋白曰周武王封少昊之後嬴姓茲與於莒始都計斤城在今高密縣東南四十里春秋時徙於莒隱公二年莒人入向註云今城陽莒縣莒自初封二十三君為楚簡王所滅漢為莒縣城陽

王所都莒音居禦翻

楚使淖齒將兵救齊因為齊相淖齒欲與燕

分齊地

索隱曰淖女教翻康曰竹角切姓也相息亮翻

乃執湣王而數之

數其罪也

師古曰數所具翻宋初曰所主翻

曰千乘博昌之間方數百里雨血沾

衣

漢置千乘郡博昌縣屬馬後漢更千乘郡為樂安國十三州志曰昌水其勢平故曰博昌唐志千乘博昌

二縣皆屬青州乘繩證翻王知之乎曰知之羸博之間

地圻及泉

班志羸博二縣屬泰山郡

王知之乎曰知之有人當闕而

哭者求之不得去則聞其聲王知之乎曰知之淖齒曰

天雨血沾衣者天以告也地圻及泉者地以告也有人

當闕而哭者人以告也天地人皆告矣而王不知誠焉

誠與戒同戒警敕也毛晃曰警敕之辭曰誠此言天地人皆以相警敕也何得無誅遂弑王

於鼓里

鼓里莒中地名近齊廟

荀子論之曰國者天下之利勢也得道以持之則大

安也大榮也積美之源也不得道以持之則大危也

大累也

累力偽翻事相緣及也

有之不如無之及其暴也

齊人謂極

為暴音其下綦之同

索為匹夫不可得也

索山客翻求也

齊湣宋獻是

也

湣讀曰閔宋獻意即指宋康王

故用國者義立而王信立而霸權

謀立而亡挈國以呼禮義而無以害之

挈即提挈之挈音詰結翻

行一不義殺一無罪而得天下仁者不為也

操然扶持心國且若是其固也

操然落石貌言其持心持國操然如石之固操歷各翻

之所與為之者之人則舉義士也之所以為布陳於

國家刑法者則舉義法也主之所極然毛晃曰然帥如也是也

羣臣而首嚮之者則舉義志也帥讀曰率首所救翻志者心之所主也

如是則下仰上以義矣仰魚亮翻凡仰給仰成之仰皆同音是基定也

基定而國定國定而天下定故曰以國濟義一日而

白湯武是也基址也本也為土立址曰基為木立根本亦曰基白明也是所謂義

立而王也德雖未至也義雖未濟也然而天下之理

略奏矣楊倞曰略有節奏也刑賞已諾信於天下矣諾人應聲也信人不

疑而心臣下曉然皆知其可要也要一通翻約也勤也求也政令

乎也

已陳雖覩利敗不欺其民

令力正翻

約結已定雖覩利敗

不欺其與

與黨與也即下文所謂與國也

如是則兵勁城固敵國畏

之國一綦明

楊倞曰此綦當作基今謂此綦字從上註所謂齊人之言其義亦通明顯也

與國信之雖在僻陋之國威動天下五伯是也是所

謂信立而霸也

伯讀曰霸五霸夏昆吾商大彭豷韋周齊桓晉文或曰齊桓晉文宋襄秦

穆楚莊為五霸

挈國以呼功利不務張其義齊其信唯利之

求內則不憚詐其民而求小利焉外則不憚詐其與而求大利焉內不修正其所以有然常欲人之有如

是則臣下百姓莫不以詐心待其上矣上詐其下下

詐其上則是上下析也

析先的翻分也離也

如是則敵國輕之

與國疑之權謀日行而國不免危削綦之而亡齊湣

薛公是也

湣讀曰閔薛公謂孟嘗君孟嘗君卒齊與諸侯共滅薛卒子恤翻

故用彊

齊非以修禮義也非以本政教也非以一天下也綿

綿常以結引馳外為務

引讀曰鞞音羊晉翻丁虔曰鞞駕牛具在胃曰鞞蓋駕馬

亦用鞞也

故彊南足以破楚西足以誣秦北足以敗燕中

足以舉宋

史記齊閔王十年伐燕取之二十三年與秦敗楚于重丘南割楚之淮北三十六年

與韓魏攻秦至函谷三十八年伐宋滅之通鑑據孟子以取燕事屬之齊宣王敗補邁翻詘與屈同音渠勿翻燕及以燕趙起而攻之若振槁然燕因肩翻槁枯木也振搖

也振已枯之木則其葉摧落而木根撥矣槁苦皓翻又音古老翻

而身死國亡為天

下大戮後世言惡則必稽焉

稽考也又計校也

是無他故焉

唯其不由禮義而由權謀也三者明主之所謹擇也

仁人之所務白也

白明也

善擇者制人不善擇者人制

之

樂毅聞畫邑人王蠋賢

劉熙曰畫齊西南近邑音獲索隱曰音胡卦翻括地志戟里城

在臨淄城西北三十里春秋時棘邑又云澶邑蠅所居
即此邑因澶水為名也京相璠曰今臨淄有澶水西北
入沛即班志所謂如水如時聲相似然則澶水即時水
也余按後漢耿弇攻張步進軍畫中在臨淄西安二邑
之間蠅班固古今人表作歎音觸據蠅字則當音蜀或
音之欲翻康珠玉切通鑑以畫邑為畫邑以孟子去齊
宿于畫為據也若以孟

令軍中環畫邑三十里無入

據

子為據則畫讀如字

使人請蠅蠅謝不往燕人曰不來吾且屠畫邑

蠅曰忠臣不事二君烈女不更二夫

燕因肩髀蠅音
蜀更工衡翻

國

破君亡吾不能存而又欲劫之以兵吾與其不義而生

不若死遂經其頸於樹枝自奮絕脰而死

經絞也縊也
頸居郢翻頭

莖也自奮自奮起而還擲也胆大透翻頸也

燕師乘勝長驅齊城皆望風奔

潰樂毅修整燕軍禁止侵掠求齊之逸民顯而禮之寬

其賦歛

歛力驗翻後以義推

除其暴令修其舊政齊民喜悅乃遣

左軍渡膠東東萊

膠東漢為王國水經膠水出琅邪縣膠山北過膠東下密又北過東

萊常利縣入海膠水之東為膠東國膠水之西為膠西國東萊春秋萊子之國漢置東萊郡邪音耶

前軍

循泰山以東至海略琅邪

琅邪秦置為郡其地東至海南距淮

右軍循河

濟屯阿鄆以連魏師

河濟注已見一卷安王十五年然僅及濟水入河而溢為滎一節今

據水經濟水自滎澤東流至濟陰乘氏縣西分為二瀆其南瀆為荷水東南流至山陽湖陸縣與泗水合其北

瀆東北流入于鉅野澤東北過東郡壽良縣西界北逕須昌殷城至臨邑縣四瀆津口與河水合此蓋言齊地在河濟之間者也參考上濟西注可見濟子禮

翻阿東阿郵郵城郵音絹乘繩證翻荷音柯

後軍旁

北海以撫千乘

旁步浪翻自臨淄東北至海北海地也漢置郡乘繩證翻

中軍據臨

淄而鎮齊都祀桓公管仲於郊表賢者之間封王蠋之

墓

王蠋墓蓋在畫

齊人食邑於燕者二十餘君

封為君也

有爵位於

薊者百有餘人

薊燕都也班志薊縣屬廣陽國唐為幽州治所今為燕京水經注薊城西北隅

有薊丘故名燕因肩翻薊音計

六月之間下齊七十餘城皆為郡縣

秦王魏王韓王會于京師

三十二年秦趙會于穰秦拔魏安城

班志安城縣屬汝南郡司馬彪志作

安城時魏地南至汝南秦自武關出兵攻拔之括地志安城在豫州汝陽縣東南十七里一曰在豫州吳房縣

東南穰人羊翻

兵至大梁而還

還音旋

齊淖齒之亂湣王子法

章變姓名為莒太史敫家傭

淖女教翻湣讀曰閔徐廣曰敫音躍一音皎康吉了

切余按班書王子侯表有敫字師古曰古穉字今從之傭顧身為人力作為于偽翻太史敫女奇

法章狀貌以為非常人憐而常竊衣食之

竊私也私為之而不使人

知衣於既翻食祥吏翻

因與私通王孫賈從湣王失王之處其母

曰汝朝出而晚來則吾倚門而望汝暮出而不還則吾

倚閭而望

閭里門也周禮二十五家為閭

汝今事王王走汝不知其處

汝尚何歸焉王孫賈乃入市中呼曰

呼火故翻叫號也號戶高翻

淖

齒亂齊國殺湣王欲與我誅之者袒右

袒右肩也

市人從者

四百人與攻淖齒殺之於是齊亡臣相與求湣王子欲

立之法章懼其誅已久之乃敢自言遂立以為齊王保

莒城以拒燕

燕因肩翻

布告國中曰王已立在莒矣

其時樂毅以燕

中軍鎮臨淄法章已立而保莒田單自安平保即墨奔敗之餘猶可置之不問法章布告國中自言已立在莒可安坐而不問乎後人論樂毅以為善藏其用吾未敢以為然也

趙王得楚和氏璧

楚人卞和得玉璞獻之楚厲王王使玉人視之曰石也
王以和為詐刖其左足及武王立和又獻之玉人又曰
石也王又以為詐而刖其右足及文王立和乃抱璞而
泣於荆山之下王聞之使玉人理其璞而得寶因命曰
和氏之璧爾雅肉倍好謂秦昭王欲之請易以十五城
之璧外圓象天內方象地

趙王欲勿與畏秦彊欲與之恐見欺以問藺相如

姓諱曰韓

獻子玄孫曰康食采於藺因氏焉藺力刃翻

對曰秦以城求璧而王不許曲

在我矣我與之璧而秦不與我城則曲在秦均之二策

寧許以負秦

使秦負曲也

臣願奉璧而往使秦城不入臣請

完璧而歸之趙王遣之相如至秦秦王無意償趙城相

如乃以詐給秦王復取璧

償辰羊翻給蕩亥翻欺也誑也

遣從者懷之

間行歸趙

從才用翻間古覓翻

而以身待命於秦秦王以為賢而

弗誅禮而歸之趙王以相如為上大夫

衛嗣君薨子

懷君立嗣君好察微隱縣令有發禡而席弊者

嗣祥吏翻好呼

到翻令力正翻古者縣大夫至春秋時有邑大夫縣令起於戰國之時秦漢因之

嗣君聞之乃

賜之席令大驚以君為神又使人過關市賂之以金

此蓋

賂掌關市之官周禮司關掌國貨之節以聯門市司貨賄之出入者掌其治禁與其征廛司市掌市之治教政刑量度禁令戰國之既而召關市問有客過與汝金汝時合為一官量音亮

回遣之

回遣謂還其金也

關市大恐又愛泄姬重如耳而恐其

因愛重以壅已也

泄姓也與洩同春秋時鄭有大夫洩駕陳有大夫洩冶如亦姓也張守節

以如耳為魏大夫姓名非也蓋衛大夫是時魏王有如姬重音輕重之重乃貴薄疑以敵如

耳

薄姓也風俗通衛賢人薄疑敵當也

尊魏妃以偶泄姬

偶匹也對也

曰以是

相參也

參三也相參列也間厠也

荀子論之曰成侯嗣君聚斂計數之君也未及取民

也子產取民者也未及為政也管仲為政者也未及

修禮也故修禮者王為政者彊取民者安聚斂者亡

斂力
艷翻

三十三年秦伐趙拔兩城

三十四年秦伐趙拔石城

史記正義曰地理志右北平有石城縣括地志石城在相

州林慮縣西南九十里疑相州石城是余謂北平之石城燕境也相州之石城魏境也皆非趙地此石城即漢

西河之離石縣城拓拔魏分西河置五城郡又置石城縣蓋此地是也相息亮翻慮音廬燕因肩翻

穰侯復為丞相

穰人羊翻復扶又翻

楚欲與齊韓共伐秦因欲

圖周王使東周武公謂楚令尹昭子曰周不可圖也

尹令

楚上卿執其國之政猶秦之丞相也令力正翻

昭子曰乃圖周則無之雖然何

不可圖武公曰西周之地絕長補短不過百里名為天

下共主

言天下共宗周以為諸侯主杜佑曰洛陽古成周之地今洛陽城東三十餘里故城是周之下

都也晉帥諸侯城之以居敬王至孝王封其弟桓公于河南以續周公之官職至孫惠公乃封少子於鞏號曰東周王赧立東西周分理又徙都西周則王城也帥讀曰率少始照翻鞏居勇翻赧奴版翻

裂其地

不足以肥國得其衆不足以勁兵雖然攻之者名為弑

君然而猶有欲攻之者見祭器在焉故也

謂三代所傳之祭器如九

鼎之類是也

夫虎肉臊而兵利身人猶攻之若使澤中之麋

蒙虎之皮人之攻之也必萬倍矣

夫音扶劉伯莊曰虎之爪牙如兵之利刃

在身其肉雖臊而人猶攻之者以其皮之所在也鹿之大者曰麋麋無爪牙之利而肉可食若更蒙虎之皮人之攻之必萬倍於虎矣臊藪遭翻魚腥肉臊麋武悲翻更古孟翻裂楚之地足以肥國

訕楚之名足以尊王

訕讀曰黜言黜其僭王之名也

今子欲誅殘天下

之共主居三代之傳器器南則兵至矣於是楚計輟不

行

共音如字傳直專翻言三代之器傳於周周亡則所傳之器將南歸於楚天下將合兵至楚而共討其罪

也

三十五年秦白起敗趙軍斬首二萬取代光狼城

索隱曰地

志不載光狼城蓋屬趙國史記正義曰光狼故城在澤州高平縣西二十里康曰本中山地趙武靈王取之其

地在代余考史以代光狼城聯而書之康以為其地在
代何也又云本中山地中山與代舊為兩國代在山之
陰中山在山之陽既云在代不當又云本中山地如康
意抑以為光狼本代地趙襄子滅代而中山侵有光狼
地武靈王既滅中山始有光狼之地白起自上郡九原
雲中下兵始能敗趙軍取光狼史既不先序其兵行之
路後又無考光狼又使司馬錯發隴西兵扶風汧縣之
城之所關疑可也
名隴坻上者七日方越自隴以西本冀戎獯戎氏羗之
地秦累世攘拓以其地置隴西郡錯七各翻又倉故翻
汧若堅翻因蜀攻楚黔中拔之按秦兵時因蜀出巴郡
源戶官翻
中黔
音琴
楚獻漢北及上庸地
房陵郡
之
地

三十六年秦白起伐楚取鄢鄧西陵

史記正義曰鄢鄧二城並在襄州括

地志故鄢城在襄州安養北三里古鄢子之國又按水經注鄢城當在宜城南有鄢水左傳楚屈瑕伐羅及鄢鄢亂次而濟即其地徐廣曰西陵屬江夏余謂西陵即夷陵班志夷陵縣屬南郡水經江水東逕夷陵縣又東逕西陵峽蓋縣城去峽不遠夏戶雅翻

秦王使使者告趙王願為好會

於河外澠池

使使之使疏吏翻好呼到翻凡和好之好皆同音漢志澠池縣屬弘農郡杜佑曰澠

池有東西俱利二城即秦趙會處宋白曰在今縣西十三里澠莫踐翻又莫忍翻

趙王欲毋行

廉頗藺相如計曰

姓譜廉姓頗帝曾孫大廉之後頗普河翻

王不行示趙弱

且怯也趙王遂行相如從

從才用翻

廉頗送至境與王訣

音訣

決別也

曰王行度道里會遇之禮畢

度徒洛翻

還不過三十日

三十日不還

還從宣翻又音如字

則請立太子以絕秦望王許之

會于澠池王與趙王飲

此句作秦王與趙王飲文意乃明

酒酣

酣戶甘翻樂也

也秦王請趙王鼓瑟

瑟二十五絃伏義所作史記曰秦帝使素女鼓五十絃瑟帝悲不止

故破其瑟為二十五絃趙人善瑟故秦請鼓之瑟色擲翻

趙王鼓之藺相如復請秦

王擊缶

缶瓦器爾雅曰盎謂之缶注云盆也揚惲曰仰天拊缶而歌鳴秦聲也說文曰缶所以盛酒

秦人鼓之以節樂劉昫曰缶如足盆古西戎之樂秦俗因而用之其形如覆盆以四杖擊之復扶又翻又音如

字缶方九翻惲於粉翻盛時征翻昫吁句翻

秦王不肯相如曰五步之內臣

請得以頸血濺大王矣

言將殺秦王也頸居郢翻濺音箭康音贊汙灑也汙烏故翻

左右欲刃相如相如張目叱之左右皆靡

靡委靡不振之貌

王

不懾

不悅也

為一擊缶

偽為于翻

罷酒秦終不能有加於趙趙

人亦盛為之備秦不敢動趙王歸國以藺相如為上卿

位在廉頗之右

藺力刃翻頗普何翻毛晃曰人道尚右故左右手之右以右為尊

廉頗

曰我為趙將有攻城野戰之功

將即亮翻

藺相如素賤人徒

以口舌而位居我上吾羞不忍為之下宣言曰我見相

如必辱之

宣言者宣布其言於外也

相如聞之不肯與會每朝常稱

病不欲爭列

朝直遙翻毛晃曰
列行次也位序也

出而望見輒引車避匿

匿藏也
隱也

其舍人皆以為恥相如曰子視廉將軍孰與秦

王曰不若

若猶如也

相如曰夫以秦王之威而相如廷叱之

辱其羣臣

此謂請秦王
擊缶時也

相如雖驚

夫音扶驚音奴字林
曰駘也駘堂來翻

獨畏廉將軍哉顧吾念之彊秦所以不敢加兵於趙者

徒以吾兩人在也今兩虎共鬪其勢不俱生吾所以為

此者先國家之急而後私讐也

先悉薦翻
後戶遘翻

廉頗聞之肉

袒負荊至門謝罪

荊所以答故負之以請罪肉
袒者袒而露其肉答丑之翻

遂為刎

頸之交

列式粉

翻頸

居郢

翻言

襟相

契雖

列斷

其首

初燕人攻安平

燕因

肩翻

班志

東安

平縣

屬

潞川

司馬

臨潞縣東十九里古紀國之鄴邑唐志青州有安平縣

後省入博昌縣按三十一

年樂毅入臨潞以中軍據之

燕人攻安平當在三十二年三十三

年之

間故通鑑於是年以初字發之鄴戶圭

翻

臨潞市掾田

單

單在安平使其宗人皆以鐵籠傳車

轡

傳車轡故謂之鐵籠籠盧東

翻

及城潰人爭門而出皆

傳音附轡音衛車軸頭謂之轡

以城潰人爭門而出皆

傳音附轡音衛車軸頭謂之轡

以城潰人爭門而出皆

以軸折車敗為燕所擒

潰戶對

翻潰散也折

獨田單宗

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨

是以時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨

是以時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

人以鐵籠得免遂奔即墨是時齊地皆屬燕獨莒即墨

未下樂毅乃并右軍前軍以圍莒左軍後軍圍即墨即

墨大夫出戰而死即墨人曰安平之戰田單宗人以鐵

籠得全是多智習兵因其立以為將以拒燕

燕因肩翻將即亮翻

樂毅圍二邑碁年不剋乃令解圍各去城九里而為壘

令曰城中民出者勿獲困者賑之

令力正翻勿獲勿禽之以為俘獲賑即忍

翻救也恤也毅欲懷柔二邑使之自服不及計其死守也

使即舊業

即就也

以鎮新民

恐新民思為齊而反則以此鎮之

三年而猶未下或讒之於燕昭王曰

樂毅智謀過人伐齊呼吸之間剋七十餘城今不下者

兩城耳非其力不能拔所以三年不攻者欲久仗兵威
以服齊人南面而王耳今齊人已服所以未發者以其
妻子在燕故也且齊多美女又將忘其妻子願王圖之
昭王於是置酒大會引言者而讓之曰讓責也先王舉國
以禮賢者非貪土地以遺子孫也遺于季遭所傳德薄不

能堪命國人不順齊為無道乘孤國之亂以害先王謂王

曾讓國於子之以至亡國殺身也事見上卷慎靚王五
年今王元年堪勝也任也不能堪命者言王曾命子之
子之不能勝王曾所命而任燕國之事寡人統位統他
也曾苦怪翻靚疾正翻勝音升任音王綜翻

丁度曰統攝理也

痛之入骨故廣延羣臣外招賓客以求報讐

其有成功者尚欲與之同共燕國今樂君親為寡人破

齊夷其宗廟

夷平也為于偽翻

報塞先仇

塞悉則翻

齊國固樂君所

有非燕之所得也樂君若能有齊與燕並為列國結歡

同好以抗諸侯之難燕國之福寡人之願也

塞悉則翻燕因肩翻

好呼到翻難乃旦翻

汝何敢言若此乃斬之賜樂毅妻以后服賜

其子以公子之服輅車乘馬後屬百兩

夏奚仲作車至周而備其制與

方象地蓋圓象天三十輻以象日月蓋弓二十八以象列星龍旂九旂七仞齊軫以象大火鳥旟七旂五仞齊

較以象鵜火熊旂六旂五仞齊肩以象參伐龜旒四旂
四仞齊首以象營室弧旌枉矢以象弧此諸侯以下所
建者也輅車之後又有屬車百兩亦當時諸國之儀乘
馬四馬也孔穎達曰書序云武王戎車三百兩皆以一
乘為一兩謂之兩者風俗通以車有兩輪故車稱兩乘
繩正翻好呼到翻難乃旦翻屬音蜀兩音亮旂渠希翻
旂夷周翻旒也參所今遣國相奉而致之樂毅立樂毅
翻列宿星名也旒音兆

為齊王

相息亮翻

樂毅惶恐不受拜書以死自誓由是齊人

服其義諸侯畏其信莫敢復有謀者頃之昭王薨惠王

立

頃之言無幾何時毅魚器翻復扶又翻

惠王自為太子時嘗不快於樂

毅田單聞之乃縱反間於燕

孫子五間有反間因其敵間而用之又曰敵間之間

我者因而利之導而舍之故
反間可得而用也間古覓翻
宣言曰齊王已死城之不

拔者二耳樂毅與燕新王有隙畏誅而不敢歸以伐齊

為名實欲連兵南面王齊

王于況翻
又音如字

齊人未附故且緩

攻即墨以待其事齊人所懼唯恐他將之來即墨殘矣

燕王固已疑樂毅得齊反間乃使騎劫代將而召樂毅

將即亮翻燕因肩翻下同騎奇寄翻康曰姓也余
謂騎劫時以能而將騎以官稱非姓也毅魚器翻
樂毅

知王不善代之

知王遣代其意
不善將誅之也

遂犇趙燕將士由是憤

惋不和

燕因肩翻將即
亮翻惋烏貫翻

田單令城中人食必祭其先祖

於庭飛鳥皆翔舞而下城中燕人怪之田單因宣言曰

當有神師下教能有一卒曰臣可以為師乎因反走田

單起引還坐東鄉師事之

鄉讀曰嚮

卒曰臣欺君田單曰子

勿言也因師之每出約束必稱神師

田單恐衆心未一故假神以令其衆

乃宣言曰吾唯懼燕軍之剽所得齊卒

剽魚器翻割鼻也

置之

前行

行戶剛翻

即墨敗矣燕人聞之如其言城中見降者盡

剽皆怒堅守唯恐見得

降戶江翻

單又縱反間言吾懼燕人

掘吾城外冢墓可為寒心

掘其月翻冢而隴翻

燕軍盡掘冢墓燒

死人齊人從城上望見皆涕泣其欲出戰怒自十倍田

單知士卒之可用乃身操版鍤與士卒分功

操七刀翻鍤則洽翻

也妻妾編於行伍之間盡散飲食饗士令甲卒皆伏使

老弱女子乘城

乘登也登城而守也

遣使約降於燕

使疏吏翻降戶江翻燕因

肩翻燕軍皆呼萬歲田單又收民金得千鎰令即墨富豪

遺燕將曰即降願無虜掠吾族家燕將大喜許之燕軍

益懈田單乃收城中得牛千餘為絳繒衣

鎰弋質翻遺于季翻令盧

經翻懈古隘翻繒慈陵翻絹也

畫以五采龍文

畫古畫字通

東兵刃於其角

而灌脂束葦於其尾

葦于鬼翻葦也

燒其端鑿城數十穴夜縱

牛壯士五千隨其後

史記田單傳壯士五千下有人字

牛尾熱怒而犇

燕軍燕軍大驚視牛皆龍文所觸盡死傷而城中鼓譟

從之

譟先列翻羣呼也

老弱皆擊銅器為聲聲動天地燕軍大

駭敗走齊人殺騎劫追亡逐北

亡逃亡也北奔北也逃亡者追之奔北者逐之

揚諒曰北者乖背之名故以敗走為北毛晃曰人道面南背北北者背也故古以堂北為背背亦背也以敗走為北者取背所過城邑皆叛燕復為齊田單兵日益多

乘勝燕日敗亡走至河上而齊七十餘城皆復焉

燕因肩髀

為于偽翻又音如字

乃迎襄王於莒入臨淄封田單為安平君

齊以

田單安國平難又嘗保安平故因以安平封之

齊王以太史敫之女為后生太

子建太史敫曰女不取媒因自嫁非吾種也汙吾世

徐廣

曰敫音躍一音皎師古曰敫古穆字種之隴翻汙烏故翻凡染汙之汙皆同音

終身不見君王

后君王后亦不以不見故失人子之禮趙王封樂毅於

觀津

班志觀津縣屬信都國觀工喚翻

尊寵之以警動於燕齊燕惠王

乃使人讓樂毅且謝之曰將軍過聽以與寡人有隙遂

捐燕歸趙

捐余專翻弃也

將軍自為計則可矣而亦何以報先

王之所以遇將軍之意乎樂毅報書曰昔伍子胥說聽於闔閭而吳遠迹至郢夫差弗是也賜之鴟夷而浮之江吳王不寤先論之可以立功故沈子胥而不悔子胥不蚤見主之不同量是以至於入江而不化

速迹言自吳至郢其

道里甚遠而行迹得至也弗是謂夫差弗以子胥之言為是也伍子胥楚人也楚平王信讒殺其父兄子胥奔吳吳王闔閭信而用之伐楚入郢闔閭卒夫差立子胥屢諫不聽賜之屬鏤以死子胥既死夫差取其尸盛之鴟夷浮之江中應劭曰鴟夷揄形也以馬革為之韋昭曰革囊也或曰生牛皮也索隱曰言子胥怨恨故雖投江而神不化猶為波濤之神也郢以井翻說式芮翻夫音扶差初加翻鴟丑之翻沈持林翻量力讓翻闔戶臘

翻卒子恤翻鑊力俱翻又力
後翻盛時征翻檻戶蓋翻

夫免身立功以明先王之

迹臣之上計也

扶夫音

離毀辱之誹謗墮先王之名臣之

所大恐也

離與罹同墮與應同音火規
翻後凡墮毀之墮皆同音

臨不測之罪以

幸為利義之所不敢出也

謂不敢與
趙謀燕

臣聞古之君子

交絕不出惡聲忠臣去國不潔其名臣雖不佞

不佞猶
言不才

也

數奉教於君子矣

數所
角翻

唯君王之畱意焉於是燕王

復以樂毅子閒為昌國君

燕因肩翻索隱
曰閒音紀開翻

而樂毅往來

復通燕卒於趙號曰望諸君

望諸澤名本齊地毅自齊
奔趙趙人以此號之本其

所從來也

田單相齊

相息亮翻

過淄水

水經淄水出泰山萊蕪縣原山東北過臨

淄縣又東過利縣

有老人涉淄而寒出水不能行田單

解其裘而衣之襄王惡之曰田單之施於人

衣于既翻惡烏路翻

施式豉翻後凡布施之施皆同音

將以取我國乎不早圖恐後之變也

左右顧無人巖下有貫珠者

巖下殿巖之下也昔舜遊巖廊

襄王呼而

問之曰汝聞吾言乎對曰聞之王曰汝以為何如對曰

王不如因為已善王嘉單之善下令曰寡人憂民之

饑也單收而食之寡人憂民之寒也單解裘而衣之寡

人憂勞百姓而單亦憂稱寡人之意

食祥吏翻稱呂孕翻愜也後凡稱愜

之稱皆同音

單有是善而王嘉之單之善亦王之善也王曰

善乃賜單牛酒後數日貫珠者復見王曰王朝日宜召

田單而揖之於庭口勞之

復扶又翻朝陟遙翻旦日又直遙翻朝羣臣之日也勞力

到翻凡撫勞之勞皆同音

乃布令求百姓之饑寒者收穀之

穀如字養也收

穀收而養之也

乃使人聽於閭里聞大夫之相與語者曰田單

之愛人嗟乃王之教也田單任貂勃於王

任汝鳩翻保也今之任子

義亦如此貂丁聊翻康曰姓也

王有所幸臣九人欲傷安平君

傷譖毀也害也

也損相與語於王曰燕之伐齊之時楚王使將軍將萬人

而佐齊

軍將即亮翻又音如字領也

今國已定而社稷已安矣何不

使使者謝於楚王王曰左右孰可九人之屬曰貂勃可

貂勃使楚楚王受而觴之數月不反

使疏吏翻觴之者舉觴以禮之也

九人之屬相與語曰夫一人之身而牽萬萬乘者豈不

以據勢也哉

謂貂勃以安平君之重楚王弔而禮遇之也夫音扶乘繩證翻

且安平君

之與王也君臣無異而上下無別

別彼列翻

且其志欲為不

善內撫百姓外懷戎翟

翟與秋同

禮天下之賢士其志欲有

為願王察之異日王曰召相單而來

異日猶言他日也相息亮翻

田

單免冠徒跣肉袒而進

徒跣徒行而跣足也跣先與翻不屨而以足親地也李巡曰禮

裼脫衣袒肩見體曰肉袒禮與袒同裼先的翻

退而請死罪五日而王曰子無

罪於寡人子為子之臣禮吾為吾之王禮而已矣貂勃

從楚來王賜之酒酒酣王曰召相單而來貂勃避席稽

首

酣戶甘翻酒樂也應劭曰洽也稽音啟下首拜也

曰王上者孰與周文王王

曰吾不若也貂勃曰然臣固知王不若也下者孰與齊

桓公王曰吾不若也貂勃曰然臣固知王不若也然則

周文王得呂尚以為太公

呂尚釣于渭濱周文王出獵戴與俱歸曰吾太公望子父

矣因號曰太公望

齊桓公得管夷吾以為仲父

齊公子無知之亂管夷吾奉公

子糾與桓公爭國子糾死管仲因桓公釋其罪任之以政號曰仲父姓譜管姓周文王子管叔之後今王

得安平君而獨曰單安得此亡國之言乎且自天地之

闢民人之始為人臣之功者誰有厚於安平君者哉王

不能守王之社稷燕人興師而襲齊王走而之城陽之

山中

襄王從湣王走莒班志莒縣屬城陽國故云城陽之山中湣讀曰閔莒許與翻

安平君以

惴惴即墨三里之城五里之郭敝卒七千人禽其司馬

而反千里之齊安平君之功也

惴之睡翻危恐之當是

之時舍城陽而自王

舍讀曰捨王于況翻

天下莫之能止然而計

之於道歸之於義以為不可故棧道木閣而迎王與后

於城陽山中

架木通路曰棧道棧士限翻康士諫切非

王乃得反子臨百姓

今國已定民已安矣王乃曰單嬰兒之計不為此也王

亟殺此九子者以謝安平君不然國其危矣乃殺九子

而逐其家益封安平君以夜邑萬戶

夜邑戰國策作掖邑班志掖縣屬東

萊郡掖羊益翻

田單將攻狄

班志狄縣屬千乘郡後漢安帝改曰臨濟徐廣曰狄今樂安臨濟縣

也史記正義曰故狄城在潯州高苑縣西北

往見魯仲連

姓譜魯以國為姓

魯仲連

曰將軍攻狄不能下也田單曰臣以即墨破亡餘卒破

萬乘之燕復齊之墟今攻狄而不下何也上車弗謝而

去

乘繩證翻燕因肩翻上時掌翻

遂攻狄三月不克齊小兒謠曰大冠

若箕

謠余韶翻徒歌曰詔大冠武冠也

脩劍拄頤

脩長也拄冢庾翻

攻狄不能

下壘枯骨成丘田單乃懼問魯仲連曰先生謂單不能

下狄請聞其說魯仲連曰將軍之在即墨坐則織蓐

其蓐

位翻草器也

立則仗鉞

顏師古曰仗直亮翻憑倚也鉞則洽翻

為士卒倡曰無

可往矣宗廟亡矣今日尚矣歸於何黨矣

毛晃曰尚庶幾也言單于

其時蓋言曰今日之事尚庶幾焉黨類也

言戰有勝負不死則降將歸于何類也當此之時將

軍有死之心士卒無生之氣聞君言莫不揮泣奮臂而

欲戰此所以破燕也當今將軍東有夜邑之奉西有淄上

之娛

此蓋言安平封邑益之以夜邑夜邑在安平東淄水在安平西夜邑有祖賦之奉淄上有遊觀之樂

故魯仲連云然燕因肩

翻夜讀曰掖音羊益翻黃金橫帶而騁乎淄澠之間

水經

註淄水自利縣東北流逕安平城北又東逕廣饒縣與

濁水會濁水出廣饒縣治嶺山亦謂之繩水又北與時

澠之水會時水出齊城西北北會繩水繩水出營城東

世謂漢漆水西逕樂安博縣與時水合孔子謂淄澠之

合易牙嘗而知之即斯水也騁丑郢翻
馳驚也澠時陵翻漆仄詵翻又音秦

有生之樂無死

之心所以不勝也

樂音洛

田單曰單之有心先生志之矣

志者心之所主也

明日乃厲氣循城

厲嚴厲也勉厲也奮厲也振厲也是三者有修飭振

起之意

立於矢石之所援枹鼓之狄人乃下

援于元翻引也後以義推

枹芳無翻擊鼓杖

初齊湣王既滅宋欲去孟嘗君

二十九九年書齊滅宋先書

宋滅薛時孟嘗君已封於薛宋所滅者何薛邪去羗呂翻

孟嘗君奔魏魏昭王以為

相與諸侯共伐破齊湣王死襄王復國而孟嘗君中立

為諸侯無所屬襄王新立畏孟嘗君與之連和孟嘗君

卒諸子爭立而齊魏共滅薛孟嘗君絕嗣

嗣祥吏翻

三十七年秦大良造白起伐楚拔郢

括地志郢城在江陵縣東北六里楚

平王築都之地

燒夷陵楚襄王兵散遂不復戰東北徙都於陳

陳即古陳國班志陳縣屬淮陽國註云楚頃襄王自郢徙此復扶又翻頃窺營翻

秦以郢為南

郡封白起為武安君

班志武安縣屬魏郡戰國之君分封其臣如平原武安之類非真食

其縣之入也張守節曰言能撫養軍士戰必克得百姓安集故曰武安

三十八年秦武安君定巫黔中初置黔中郡

括地志黔中故城在

辰州沅陵縣西二十二里江南今黔府亦其地按秦黔中郡地非唐黔州地也宋白曰秦黔中郡所理在今辰

州西二十里黔中故郡城是漢改黔中為武陵郡移理義陵即今辰州淑浦縣是後漢移理臨沅即今朗州所理是今辰州叙獎溪澧朗施八州是秦漢黔中郡之地自永嘉以後沒于夷獠元魏之後圖記不傳至後周保定四方涪陵首領田思鶴歸化初于其地立奉州續改為黔州大業中又改為黔安郡因周隋州郡之名遂為秦漢黔中郡交于難辯今黔州及夷費思播與秦黔中郡隔越峻嶺以山川言之炳然自分黔其今翻又其炎翻沅音元淑音叙澧里弟翻獠魯皓翻涪音浮沅與互同費兵媚翻以水名

魏昭王薨子

安釐王立

世本曰安釐王名園釐讀曰僖

三十九年秦武安君伐魏拔兩城 楚王收東地兵

東地

蓋楚之東境得十餘萬復西取江南十五邑

復扶又翻又音如字

淮汝之地也

魏安釐王封其弟無忌為信陵君

宋白曰信陵君邑于甯今宋州寧陵

縣古甯城也

四十年秦相國穰侯伐魏韓暴鳶救魏

暴曰報翻姓也周有卿士暴公

其後遂以為氏為以專翻名也

穰侯大破之

穰人羊翻

斬首四萬暴鳶走開

封

班志開封縣屬河南郡賢曰開封故城在今汴城南宋白曰今汴州開封縣南五十里開封故城是漢理

所汴皮

魏納八城以和穰侯復伐魏走芒卯入北宅

北宅

即宅陽復扶又

魏人割溫以和

溫縣即春秋溫邑屬晉唐屬孟州

四十一年魏復與齊合從秦穰侯伐魏拔四城斬首四

萬

從子容翻
穰人羊翻

魯湑公薨子頃公讐立

湑讀曰閔頃音
傾謚法甄心動

懼曰頃敏以
敬慎曰頃

四十二年趙人魏人伐韓華陽

司馬彪曰華陽山名在
河南密縣括地志在鄭

州管城縣南四十里水經註黃水出新鄭縣太山黃泉
東南流逕華城西史伯謂鄭桓公曰華君之土也韋昭
曰華國名也韓人告急於秦秦王弗救韓相國謂陳筮

華戶化翻

曰事急矣

相息
亮翻

願公雖病為一宿之行陳筮如秦

如往
也

見穰侯穰侯曰事急乎故使公來陳筮曰未急也穰侯

怒曰何也陳筮曰彼韓急則將變而他從

謂從趙
魏也

以未

急故復來耳

又復扶翻

穰侯曰請發兵矣乃與武安君及客

卿胡陽救韓

姓譜舜後胡公滿封於陳子孫以為氏又陸終氏六子長曰昆吾次曰參胡董姓封

於韓墟周為胡國楚滅之

八日而至敗魏軍於華陽之下

蓋華陽城下也走

芒卯虜三將斬首十三萬武安君又與趙將賈偃戰沈

其卒二萬人于河

將即亮翻沈持林翻人皆貪生而畏死二萬人與戰鳥得盡沈諸河以計

沈之

魏段干子請割南陽予秦以和

古予與字通下書南陽寔脩武班志

脩武縣屬河內郡應劭曰晉始啟南陽今南陽城是也其地在晉山南河北故曰南陽劉原父曰脩武即晉之

甯邑武王伐紂名之韓詩外傳武王伐紂勸兵於甯故曰脩武有古南陽城父音甫傳直戀翻

蘇代謂

魏王曰欲璽者段干子也欲地者秦也今王使欲地者

制璽欲璽者制地魏地盡矣

璽印也言段干子欲得秦相印故請魏割地璽斯氏

翻

夫以地事秦猶抱薪救火

夫音扶

薪不盡火不滅王曰

是則然也雖然事始已行不可更矣

更工衡翻

對曰夫博之

所以貴梟者便則食不便則止今何王之用智不如用

梟也

夫音扶鄭司農註考工記曰博立梟梟宋玉楚辭曰籠蔽象梟有六博成梟而牟呼五白謝艾曰六

博得梟者勝史記正義曰博頭有刻為梟鳥形者擲得梟者合食其子不便則為餘行也梁湘東王繹博食子

未下以其有便不便也梟堅堯翻

魏王不聽卒以南陽為和

卒子恤翻

寔脩

武 韓釐王薨子桓惠王立 韓魏既服於秦秦王將

使武安君與韓魏伐楚未行而楚使者黃歇至

姓諸陸終之後

受封於黃為楚所滅其後以國為氏使詠吏翻歇許竭翻

聞之畏秦乘勝一舉而滅

楚也乃上書曰臣聞物至則反冬夏是也

上時掌翻至極也物極則

反也冬至陰之極而陽生焉夏至陽之極而陰生焉

致至則危累綦是也

致亦極也極其

至則危也累綦至於極高則必危矣楚司馬子期累十二博綦不墜王曰危哉

今大國之地徧

天下有其二垂

史記正義曰極東極西也余謂秦國之地有天下西北之二垂也

此從

生民以來萬乘之地未嘗有也先王三世不忘接地於

齊以絕從親之要

乘繩證翻從子容翻索隱曰要讀曰腰以言山東合從韓魏是其腰康曰

於笑切約也余謂索隱說是

今王使盛橋守事於韓盛橋以其地入

秦

索隱曰秦使盛橋守事於韓亦猶楚使召滑相趙然也盛姓也相息亮翻

是王不用甲不

信威而得百里之地王可謂能矣

信讀曰申後屈信之信皆同音

王又

舉甲而攻魏杜大梁之門舉河內拔燕酸棗虛挑入邢

魏之兵雲翔而不敢拔

徐廣曰始皇五年取酸棗燕虛蘇代曰決宿胥之口魏無虛頓

丘又曰燕縣有挑城班志東郡有燕縣陳留郡有酸棗縣水經註濮渠東北逕燕城內為陽清湖又逕挑城南即戰國策所謂燕酸棗虛挑者史記正義曰故挑城在滑州昨城縣東三十里燕於賢翻虛如字徐廣曰平舉

有邢丘劉昭曰邢丘故邢國史記正義曰邢丘在懷州武德縣東南二十里抹與救同王之功亦

多矣王休甲息衆三年而後復之又并蒲衍首垣以臨

仁平丘黃濟陽嬰城而魏氏服

徐廣曰皆屬陳畱索隱曰仁及平丘二縣名班

志平丘外黃濟陽三縣屬陳畱仁地闕張晏曰魏郡有內黃故加外臣瓚曰縣有黃溝師古曰左傳魯惠公敗宋師於黃杜預以為外黃縣有黃城即此地也索隱又曰謂秦以兵臨仁平丘二縣則黃濟陽嬰城而自守也平丘句斷史記正義曰故黃城在曹州考城縣東按水經註黃溝名也河水舊於白馬南決通濮濟黃溝濟陽故城在曹州寃句縣西南康曰蒲在長垣之蒲鄉衍在河南與卷近首蓋牛首垣即長垣濟子禮翻垣于元翻瓚藏旱翻索山客翻傳直戀翻王又割濮磨之北注齊秦之要絕楚趙

之脊天下五合六聚而不敢掾王之威亦單矣

漢博木翻要讀

曰腰脊資背翻徐廣曰濮水北於鉅野入濟索隱曰濮磨地名近濮水水經濮水上承濟水於封丘縣班志所謂濮水首濟者也東北流左會別濮水水受河於酸棗縣杜預所謂濮水出酸棗縣首受河者也東至乘氏縣與濟同入鉅野澤磨康莫賀切言秦既服魏又割濮磨之北則地連於齊是注齊之要也魏地既入於秦則楚趙之聲勢不接是絕楚趙之脊也單與殫同索隱曰單盡也言秦王之威盡行也濟子禮翻乘繩證翻索山客翻

王若能保功守威絀攻取之心

絀數律翻黜也

而肥仁義之

地使無後患三王不足四五伯不足六也

伯讀曰霸

王若負

人徒之衆仗兵革之彊乘殷魏之威而欲以力臣天下

之主臣恐其有後患也詩曰靡不有初鮮克有終

詩變大雅

蕩之辭鮮息善翻少也後以義推

易曰狐涉水濡其尾

易未濟小狐汔濟濡其尾彖曰

小狐汔濟未出中也濡其尾無攸利不續終也濡汝朱翻此言始之易終之難也

易

鼓翻

昔吳之信越也從而伐齊既勝齊人於艾陵還為越

王禽於三江之浦

事見左傳史記正義曰艾山在兗州博縣南六十里三江即禹貢所謂三

江既入震澤底定者也吳地記松江東北行七十里得三江口東北入海為婁江東南入海為東江併松江為

三江浦智氏之信韓魏也從而伐趙攻晉陽城勝有日

矣韓魏叛之殺智伯瑤於鑿臺之下

事見一卷威烈王二十三年水經註

太原掄次縣同過水側有鑿臺

今王妬楚之不毀

孔穎達曰本以色曰妬以行曰忌但後之

作者妬亦兼行

而忘毀楚之彊韓魏也臣為王慮而不取也

為于

偽翻

夫楚國援也鄰國敵也

扶夫音

今王信韓魏之善王此

正吳之信越也臣恐韓魏卑辭除患而實欲欺大國也

何則王無重世之德於韓魏而有累世之怨焉

索隱曰重世猶

再世也重直龍翻累魯水翻

夫韓魏父子兄弟接踵而死於秦將十

世矣故韓魏之不亡秦社稷之憂也今王資之與攻楚

不亦過乎

資之謂資以兵也

且攻楚將惡出兵

惡音鳥

王將借路

於仇讐之韓魏乎兵出之日而王憂其不反也王若不

借路於仇讐之韓魏必攻隨水右壤

索隱曰楚都陳隨水右壤蓋在隨水

之西今鄧州之西其地多山林者是余謂右壤蓋其地在楚都之右此皆廣川大水山林

谿谷不食之地

記攬弓成子高曰死則擇不食之地而葬註云不食謂不墾耕

是王有

毀楚之名而無得地之實也且王攻楚之日四國必悉

起兵而應王秦楚之兵構而不離魏氏將出而攻畱方

與銍湖陵碭蕭相故宋必盡

班志畱縣屬楚國方與湖陵縣屬山陽郡銍蕭相三

縣屬沛郡碭縣屬梁國銍竹乙翻方音房與音預碭音唐又徒浪翻相息亮翻史記正義曰徐州西宋州東兗

州南並
故宋地

齊人南面攻楚泗上必舉

時楚蠶食魯國有泗上之地

此皆

平原四達膏腴之地如此則天下之國莫彊於齊魏矣

臣為王慮莫若善楚秦楚合而為一以臨韓韓必斂手

而朝王施以東山之險帶以曲河之利

東山謂華山以至嶠塞諸山皆

在咸陽之東曲河謂河千里一曲按水經河水自雲中
沙南縣屈而南流至華陰潼關曲而東流所謂曲河也
春秋說題辭曰河之為言荷也荷精分布懷陰
引度也釋名曰河下也隨地下處而通流也

韓必為

關內之侯若是而王以十萬戍鄭

鄭韓之國都也

梁氏寒心許

鄢陵嬰城而上蔡召陵不往來也

許春秋許國班志許鄢陵二縣皆屬潁川

郡上蔡故蔡國蔡仲所封後徙新蔡故此為上蔡召陵
即齊桓公伐楚所次之地二縣班志皆屬汝南郡魏都
大梁其境南至汝南許鄢陵居其間二邑皆脅於秦兵
嬰城自守則楚之上蔡召陵不能與大梁往來矣嬰繞
也嬰城者謂以兵繞城而守也鄢漢書音義
音甚多丁度毛晃音從於建翻召讀曰邵如此魏亦

關內侯矣大王壹善楚而關內兩萬乘之主
乘繩注地


於齊齊右壤可拱手而取也
齊右壤謂濟西之地也王之地一經

兩海要約天下
東西為經兩海東海西海也謂自西海至東海其地一為秦所有也要約猶約

東也要是燕趙無齊楚齊楚無燕趙也
此極言山東諸國連從之為秦

害也燕然後危動燕趙直搖齊楚此四國者不待痛而

服矣燕因肩髀王從之止武安君而謝韓魏使黃歇歸約親於楚



資治通鑑卷四